



微泉閣詩集卷八

七言律詩二

登觀象臺

玉尺銅龍自歷年  
幾人共挽鼎俱遷  
新豐雞犬成玄兔

姪舜民云沈雲卿詩

玄菟城南秋夜長從兔望帝嬪嬙託杜鵑  
雲護鳳城還獻瑞  
星分析木不移

躔楚材卻用新頒曆  
首命羲和敬昊天

其二

碣石山流轉太行  
玉泉水遶入宮牆  
劫灰燹及經秦楚  
墨食關中

陋漢唐豈有紫薇  
橫蟠竦更無黃道  
埽欂櫨槍憂勤六  
合為家日朔

雪炎風盡 帝鄉

其三

妝樓瓊島猶陳跡  
豆割瓜分竟忽焉  
北戒南條歸一統  
黍離麥秀

自巍然山圍天壽  
成嵩洛水轉盧龍  
作音澗瀾卜曆遠  
過殷鑒在

好書雲物太平年

九日同王國子西樵諸公黑窰廠登高書事

鳳城高處望長安佳節登臨恣穴官銀礦山川千里外姪舜民云歐公論河

北財產云西山之長其產金銀丹砂之類至寶久伏光氣苗礦往往益發水精宮殿五雲端對朔明月

弓開滿脫轡青天馬試盤吹側帽簷人莫笑霜風自正惠文冠

其二

憂心行國繫皇輿落木寒雲慘不舒太乙旗靈秋伐越椒風殿冷

夕停車遙憐南菊聊攜酒遠送飛鴻欲附書懷祿帝鄉慚補袞

江湖有約負樵漁

壽蔡漕撫

天壽元臣齒更生三朝佐命致昇平雲帆航稻黃河轉畫棟珠簾

江水清重修滕王閣躍馬肘嫌金印重從龍身學赤松輕丹書方寸明

光鐵將相門聽雛鳳聲令子學士

寄賀姜給事內升歸山陰金給事先歸金華附書與金

諫草私焚梧竹低退朝並馬欲栖雞越吟我自思莊舄畫錦君當

及會稽月映清卿姜被臥雪寒畫省剡溪迷金華五洩仙山近為

附鄉書過浙西

庚子除夕

壯歲功名願未違半年自愧諫書稀春來見日彌相近冬盡輕霜

詎假威已定昆明還習戰終令海島自來歸萬方喜送朝正使走

馬蘭臺拜紫薇

其二

積薪十載老孤槎遇巷今年傍翠華中使朝宣收諫草羽林夕送

賜宮茶是月廿四日驥驪學臣谷應泰疏入上蹉跎莫歎雞

鳴後報稱盜辭馬齒加一字山龍無所補故園空復負梅花

送施御史歸松江

衣繡爭看畫錦榮全家歸去一舟輕遙憐海鶴還分俸直為鱸魚

可作羹函谷追攀秦父老前任巡按陝西東都祖道漢公卿年年京國人

留滯獨向春風又送行

季御史巡鹽河東

一鳴雙鳳敢櫻鱗尚憶

先皇有直臣令兄季給事中弟令兄皆國士事天中季心季布本天倫服車

我且無憂困余需次是差近寶君當不厭貧若得公餘刪晉問休將刻

畫賦輪囷

辛丑至日

上有事 南郊恭迎

大駕

南郊迎日紫煙飄六琯灰飛玉燭調日照龍鱗開雉尾風傳鳳吹

扈雞翹天心有在馨當拜帝武初生配不祧仁孝性成新主曾早

於十六頌唐堯

其二

蛾眉班裏兩邊迎曙

聖諸臣眼倍明龍種自然殊 帝子鳳姿早已識書生屬車新變

旌旗色馳道還聞警蹕聲 繼體得人中外慶好占雲物紀昇平

其三

先帝茲辰事太壇五更三點走千官大裘龍卷被天象絳幘雞人

報夜寒今祭用質明燭照鴛行陪祭闈塵清輦道灑封乾吾

君有 子親憑几懷祿空慚獬豸冠

真定梁尚書考滿

家近城南尺五天寶符鶴蓋誕神仙生占戴斗文章府身領中樞

將相權七貴不關恩澤表五噫反作帝君篇堵牆學士曾看我落

筆中書憶往年已丑射策南城公受子卷

小樓晚晴

琅玕夏簟晚風清虛閣疏簾俯鳳城盡捲浮雲雙闕迴餘飛過雨

萬山晴斜陽籠樹當窗影野水添池與岸平游寓京華那有此扁

舟疑向越中行

送同年吳御史分守荆南道

二十二人三去國左官君復近長沙已聞鄖子封初闢應笑山公  
帽自斜人離去聲西臺留諫草寇殘南楚擁高牙此行盡化箚篁險  
四海休兵始一家  
奉和趙左都見贈

門外時聞長者車詩書連屋滿蝸居家藏有酒非投轄人境無喧  
好結廬疑對瀟湘簾半卷愛看煙雨柳全舒淹留竟日甘粗厲報  
我新篇錦不如

同李元仗邀趙小齋置酒李有詩索和步來韻

白屋青簾俯碧川還疑住處是牽船移來薊北山當楊翦取吳江

水拍天齋臨野池六草推君書入聖李工書一尊留客酒為賢恩恩楚客

催歸騎趙楚人暮雨初收月正圓

趙用前韻再報復疊來韻

柴門那得遂巾車其奈無錢 帝里居邱壑未曾離魏闕乾坤隨  
處是遠廬奇才有印歸符璽止雨無書示步舒時方苦雨吳詠未能諧

白雪不知楚客意何如

九日抱病獨登小樓次杜百年多病獨登臺韻

雁聲急急一何哀燕影翩翩去未迴木葉幽州常蚤落太行秋色

正西來山樓勝槩供烏几藥裏經旬曠柏臺多病老年須斷酒祇

應長負菊花杯

送于御史內升歸里候補

久識于公驄馬青新除敕目下彤庭高門自合懸侯印上殿曾知

是歲星世廟于小遺太廟每識之此日月卿多晝錦時內升者歸里候補十年霜簡欲

生賞積薪繼起蘭臺後不復如君記御屏于歷俸十年新例內升由一等考滿不序咨俸

冬日旅思和李元仗因悼亡婦

吹葭寒谷動飛灰雪滿幽州似早梅心逐塞鴻南國去身兼代馬

北風來禦窮四載紅顏盡微祿三年白髮催今日俸錢營一奠轉

蓬長自走蘭臺歲得公費錢三萬六千官行人時所無

甲辰元旦蚤朝

鳳闕呈祥見五雲年年待漏夜初分新占歲首王正月快睹  
天顏國長君日上觚稜宮扇影風飄陛楯御香薰開尊白獸慚公  
餽執法螭頭愧惠文

其二

圖成王會獻元辰萬國朝正拜紫宸泃水附庸原受吏珠崖冠帶  
盡稱臣高麗交趾來朝長調玉燭開殊俗盡洗天兵息戰塵槃瓠鬼方終  
失險珊瑚碧海自呈珍

生日內監試闈中作

四十年來吾已降生逢堯舜期興邦儒冠自早濫青桂拂衣何暮  
辜滄江晨入酉出官草草兒唬女哭饑雙雙將家魚麥及時去日  
高穩臥猶北窗

其二

刺紙報謁多如林游龍流水交城陰貧窶那以貨財禮老困況非  
筋力任襍被自公謝人事麋鹿同遊終我心屏居南山聊養壽長

免俗客來追尋

仲春同宛平王尙書明遠樓登眺依韻奉和

城闕嵯峨尺五天山川今古自堪憐楚人焦土驅除後

麗樵燬蕺近漸葺成

漢代荒陵睥睨前春樹萬家猶未綠東風二月始來燕登樓公子  
原吾土獨憶江花半欲然

萬壽節賜宴

長春壽域太階平御酒山呼萬歲聲宮內摩耶前佛降殿中蘭葉  
聖人生歸鞍懷肉提攜重玉食金盤禮數榮自此小臣藜藿口能  
知天上唳廚名

奉和葉訥菴汪鈍菴見過

游龍鶴蓋獨離羣心事蕭條擬致君不向五侯嘗異味永懷二仲  
賞奇文世情只隔桃花水歸夢還牽笠澤雲欲乞閒身開萬卷蹉  
跎四十老無聞

其二

天子親除侍玉堂瀛洲亭下綠陰涼葉試第一御郎官吏隱從金馬老  
大藤邊春晝長汪芻中許破紫苔開竹徑共披玄草坐藜牀清談  
竟日多滋味一室高風到上皇

其三

鷗首誰能防鷺鳥蛛絲容易罨蜻蜓千金贖背書難示王吏部西  
四座悲歌酒莫停曼倩長饑何日飽步兵沈醉幾時醒側身南望  
扁舟穩公等勳名在漢廷

小樓春坐

東風吹散小樓寒冰雪初消野水寬金粉含煙楊柳結臙脂著雨  
杏花殘婢憐鶯囀調歌扇兒羨魚跳平聲把釣竿閒凭藤輪春色裏  
置身邱壑在長安

飲汪鈍菴齋中藤花下

交加老大蒼藤格爛熳紛披朱夏時點點落英供野飯看看狂蔓  
過疏籬衣珠見佛垂纓珞步障貧官代紫絲密葉會看成翠幄頻

來取醉共題詩

行經西苑

山泉屈注帝城過流入宮牆萬頃波島峙瓊花移貝闕橋橫玉  
竦駕銀河道場清梵通魚鳥水殿香風散芰荷聖世百靈咸可

畜黃虬在沼自陂陀

長老云沼有潛虬明  
熹宗時曾覆御舟

其二

蓬萊雲近映琉璃處處魚跳平聲與鳥唳玉殿前頭過碧澗珠宮內  
裏起丹梯冬青夏熟千章木錦纜牙檣十里隄自是上林多巨麗  
桑乾碣石繞東西

其三

山名萬歲閱滄桑菩薩妝樓唱十香佛塔崢嶸臨禁籞行人指點  
說雕牆增修棟宇懲前代寫放上聲氏羌象遠方妝樓舊禁增修  
今毀建白塔錦  
石巍然餘故物累累陳跡戒淫荒

其四

靈園仙臺俯玉墀眼中在在映旌旗菰蒲清淺昆明水鳧雁光輝  
太液池想像翠華芳草合浮沈鳳舸綠楊垂庚子五月召見西苑江湖浩蕩

堪乘興回首觚稜有所思時將乞歸

高御史巡鹽河東前差季御史

晉寶由來猗氏池誰言煮海獨匡時軍儲稍喜消兵氣少府無勞

佐度支山色中條雲淦淦人家安邑棗離離股肱季布黃金諾為

政風流自可思

送李將軍鎮京口

南徐天險控揚州北府精兵領上游五百劍鋌歸海島三千弩手

射潮頭寶刀自洗長江水寒笛遙吹萬歲樓未覺城池喧久戍仁

看談笑覓封侯

重陽後一日同年王侍郎冰壺招飲以病不赴後十日同年吳侍

郎廣菴復招飲尙未能赴賦謝且招之

腹疾愁霖苦索居秋風蕭瑟轉愁余故人累月黃花酒病客經旬

本草書徧賜萸囊枝共佩獨滄鴉炙味全虛清談不爨能相就門  
外應聞長者車

送何子之官奉天

翩翩碣石送歸鴻朗朗何郎東復東社置枌榆開舊里邑聞雞犬

識新豐琪玕美玉嘗廉吏湯沐高歌起大風腴腹魴魚棧五葉莫

愁邊雪落花中

送同年張兵部念瞿樞關淮上

國用方殷半助邊推君整領水衡錢兵機尙黑雙蓬鬢商算須寬

五丈船吹浪桃花連楚岸隔江柳色帶吳天長公不改承家節久

宦曾無二頃田

壽洪少傅李太夫人

將相星連婺女星遠從南極照南溟象賢伊呂鍾胎教釐降英皇

範掖庭仙李名門蟠紫氣赤松盡室受丹經拍肩原共長生籍笑  
逐洪崖煉鶴形



和梁尚書韻送泰興季御史歸省

好與春歸早計程江南花發亂嗁鶯家鄰碧海波方晏人渡黃河  
水自清諫草風霜藤篋滿客船書畫布帆輕東山謝傅方攜妓曲  
誤周郎敢絕纓周子叔觀其家樂

其二

國器家聲第一流季心兄弟濟川舟鶴歸遼海餘雙劍令兄季給事天中歿  
于謫鳳翽朝陽動九州江介雲山千里遠日邊封事幾函收童顏  
久駐高堂上近似華陽不下樓

奉和李元仗感舊

邱壑難忘臥翠微金陵瓦解走重圍真成蹈海輕生死寧暇登山  
問是非老去潘郎悲往事出無嬌女歎靡依辟疆還屬琴書主遠  
寄蕭娘舊嫁衣

春寒閨思

琉璃硯釋蛟冰薄玳瑁梁空燕壘高春到江南腸欲斷雪深塞北

淞難消朝寒蕙草霑羅韞夜坐梨花進錦袍歸雁一行郵錦字試  
拈彤管褪翹毫

無題

溝水分流西復東木蘭舟泛鯉魚風梁閒玳瑁栖飛燕房裏硃砂  
養守宮草以將離名芍藥花能雙死號芙蓉懸知夜半猶兒吠錯  
認蕭郎到夢中

揚州

長干生小舊知名學得夫人格已成研匣筆牀隨日日玉壺魚炙  
忌卿卿愛看明月揚州住笑出朝雲楚峽行別後相思何處是江  
南春色斷腸情

曹生中表新婚

書生眠閣近冰清玉鏡臺知中表兄藏卻六親緣作婦館為諸倩  
總稱甥六經郎讀親篝火三日姑嘗自作羹更有大家家法在青  
雲早晚賦東征生母氏工書

謁楊忠愍公祠

忠愍祠堂近驛亭道邊遺直颯英靈青詞得幸長生藥分宜以青詞得幸

白筆堪羞執法星收骨有人埋碧血王弇州經紀其喪事拊髀異代感彤

廷公疏頌示羣臣麟岫殿檻今猶輯下拜難禁老淚零

壁間有和姑蘇女子鄭州道中詩者鄙其詞作此

嵩雲關樹與天低鄉路茫茫夢亦迷此日吳宮花片片他年青塚

草萋萋書留旅壁殘銀跡人逐胡笳信馬蹏香骨儻收能返葬女

墳湖北虎邱西

徐溝道中懷古

青窰水淺流懸甕碧玉山深號管涔龍起由來聞一旅劍光何在

竟成禽無人復笑如皋雉多病惟須上黨蓂自問宦情緣底事到

官聊聽有虞琴解池有薰風臺

自鹽池緣中條西麓行三十里至王官谷王氏莊

王生投老乞王官天為詩人卜考槃匹馬吟看諸嶺變千峰秋入

一樓寬湖魚切玉供前筍霜柿團金滿素盤忽憶吾廬吳岫外翠  
微深處碧雲端

其二

晉寶由來重地官當年霸業長珠槃千金竹槌隄防險百谷桃花

畜洩寬猗氏鹽鹽池練練中條天柱峰名路盤盤山深更盡冥搜勝

畫出司空老筆端司空表聖隱處

夕宿萬泉縣

山縣常程烏亂唳崦嵫日沒萬山西疏林霜色烘人眼落葉風聲

響馬蹏一宿行廚供野飯數聲哀柝到荒雞二泉清味嘗嘗慣晉

水還依枳棘栖縣令舊為無錫丞

滎河縣遇雪甲午年青州雪夜同婦次東坡韻今追和之

短長不復記穠纖謝傅閨中教素嚴太室有懷清洛雪中條欲失

水晶鹽同雲玉樹原生砌詠絮酸風暗入簾老淚汪汪汾水凍割

腸點點晉山尖

其二

下食廚中饑暮鴉埋輪道上住行車可憐傳舍低迷竹太喜寒燈  
宛轉花衰病百年慚許國世親千里慰思家五湖歸去尋漁釣鑿  
破鮫冰看挺叉

其三

兩頭新體詠纖纖每恤南朝不戒嚴家國破亡遭骨肉夫妻貧賤  
共齋鹽朝來高臥深埋戶夜半寒光透隔簾銀甲玉驄詩在口酸  
眸不為北風尖婦詠雪詩有戰餘銀甲重朝罷玉驄肥之句

其四

琉璃硯匣愛塗鴉巧笑偏宜好輔車不逐仙郎歌白雪定隨天女  
散瓊花生前未得持兄弟身後方知有外家圖畫春風留半面無  
聊試展玉丫叉

蒲城晚眺懷古

驅車赤縣犯嚴冬晴雪初殘冷半峰雲散橋陵嘶石馬陂平蓮勺

困蒼龍途窮有句憐工部碑斷無書傲李邕

雲麾碑余見唐伯虎跋云宋時石已泐元

季為好事者重省立陳跡茫茫空滿目夕陽秦樹下高春

蒲城道中懷古

八川如帶自溶溶金粟荒陵白露濃日近長安瞻北斗天連華嶽  
見三峰猶叨主眷騎驄馬彌使詩人悵玉龍頭白開元朝士在  
獨窺松柏五雲封

三原縣東雪中口號

玉似征人馬似驄毛寒如蝟面西風海神銀屋翻秦苑王母瑤池  
到漢宮北斗鳳城飛霰外南山龍首凍雲中帝闈有路恆難叫  
仙掌何當曉日紅

投陝督白尙書

劍倚崆峒刁斗閒坐收百二鎮河山八川大澤人皆待分陝流風  
樹勿攀晉寶鷲爭西夏利白渠波及泛舟還十年曾識明公面猶  
是麒麟畫裏顏舊識之撫晉時

遙望長安懷古

咸陽古道日邊來清渭無情去不迴秦漢隋唐胥逝水戰爭歌舞  
盡成灰由來東面高矜屋終古南山對酒杯今日長安占王氣桑  
乾碣石拱金臺

寄金亦菴

山西右布政升  
江南左布政

晉寶吳杭足養兵才須嚴助借承明玉堂草就吳都賦原任鈴閣  
翰林風傳晉水清豹尾屬車天帝夢廟時同朝鶴觴桑落故人情酒奇來  
春稅駕依仁政買得湖田費火耕

平陽道中

鞅掌征途濫擁旄春深霽色滿東臯風前已見垂垂柳雨後還看  
片片桃汾水無梁車轍費晉山有路馬蹏勞江湖釣艇牽歸夢道  
路年光入二毛

三月廿二日汾陽道上見梨花折得一枝口號

東風遠到晉山遲三月梨花始放時粉淚雨中痕斷續霓裳月下

影迷離待人雪夜寒無粟騎馬平明淡掃眉九十春光故園外鄉  
心客眼寄瓊枝

洛陽懷古

牡丹無種草成窠四戰荒城始息戈漢代寢園惟石馬晉宮荆棘  
少銅駝平泉花木名園記洛浦風光逝水波十二門前陳跡盡嵩  
陽山月滿煙蘿

其二

邱墟河洛化烽煙帶礪宗盟卜澗瀘五馬一龍空競渡丹雘蒼犬  
不成僊北邙山色能長在天闕鐘聲覺惘然菹醢王孫無葬骨萋  
萋芳草雒陽田寇醢故福藩響  
軍名福祿酒

白燕

社日奇毛見亦稀瑤光星象弄輝輝休來赤鳳驚瓊珮自合金甌  
舞雪衣倦繡微嫌銀翦冷輕身每傍玉釵飛三珠樹上巢應在八  
月秋風趁早歸

過新樂官舍壁閒座主許通政菊谿同年李侍郎退菴題詩皆成  
故人余丙申秋過此曾有詩和許原韻時兩公尚存十年以來  
存歿頓異感用原韻

驅馳未得息幽偏廚傳蕭條冷爨煙字滅故人題缺落雨昏郵壁  
坐流連曾經月旦思泉下許南人自送仙舟隔日邊李假歸余願我

傷心師友哭蹉跎學宦誤衰年

定州東坡雪浪石黑質白章賦以蓮花石盆書識年月

蜀人鄉思未能降肯令南宮癖少雙鐵骨雲根生北嶽峨眉雲片

吼春江書鐫薤葉題青字輪捧蓮花貯玉甌是物不供人主翫網

移湖石可危邦

李書雲招飲齋中和李韻卽席口占

深柳栽成拂地長樓臺煙雨半迷藏煙中荻岸蒼蒼色雨後蓮塘

細細香何處歸心來澤國幾時攜手上河梁九天近日多封事惟

有公言似我狂時詔求言李與嚴旨

其二

終宴留賓錦瑟長頻呼斗酒舊家藏馬卿應用紗爲帳王子能知

棗是香同馬侍郎王侍郎聽李家伎不羨狹邪歧有路非關江漢絕無梁今年予乞

歸不果伎衣零落驚歌扇莫笑狂夫老更狂時余家婢病亟

從李池中乞荷花戲疊前韻

芙蓉隱語藉絲長七十鴛鴦葉底藏露冷綠房看抱子風飄紅粉

許分香凌波不惜霑羅襪出水還如照杏梁鏡檻折來供丈室花

叢遮莫厭清狂

送王侍郎祀會稽

喬嶽懷柔拱 聖君詞臣典禮薦香芹名仍會計推山鎮地近蓬

萊出海雲應笑秦碑從狹渡定探禹穴識靈文徵求美箭供旁午

民隱東南待上聞

送董副都祀南海

天人家學感神和望祀南溟受福多北戶來王翻向日東風請吏

不揚波葉飛合浦驚鄉夢颿涌長魚發棹歌弄印終須勞漢帝歸

裝何必贈臣陀董洛陽人

壽合肥程刑部同年母太夫人七十

儒風家教仰慈闈春草心能答暮暉星象虛中應健飯山龍補闕

自鳴機候補省含飴玉樹芽方茁入饌冰魚腹正肥杯借漢湖金獻

壽百年更羨古來稀

韓總兵壽

奕世親承帶礪盟從龍初起會羣英將星本自西山出秦人嘯月猶

聞漢水清楚帥令子鳳毛空藻鑑令副吏部老臣鶴髮繼簪纓弓高家傳

通侯貴漫羨金丸落 帝城

花朝龔尙書招集黑窯廠口號

尋花何處鳳城邊燕草如絲劇可憐半郭半村芳草地乍晴乍雨

養花天險分競病敲詩韻分詩牌四十字集五言近體費爲登臨罄俸錢酒食

無煩三歎息舉杯談笑淨烽煙時聞涼州邊報

三月廿八日劉吏部公勇陳翰林說巖王禮部阮亭程翰林翼蒼  
程會元周量李翰林湘北李御史召霖吳翰林嘿巖宣武門河

亭觀新柳

帝城溝水綠鱗鱗楊柳風和漸快人斑鬢吳儂萬里客碧絲燕草

十年春子以己亥起補浮雲何事隨遊宦短褐偏能戀病身家在五湖歸

去好落花如雪點青蘋

李給事女合歡詩

芙蓉褥坐鳳樓賓貴婿生年近紫宸諸倩部郎將軍任子射雉屏中金孔雀

宜男袍上繡麒麟雙星銀漢先秋夕婚期七月六日並蒂瓊花占早春兩家

皆住揚州冰玉喜看相映發非關將種惱佳人

杜尙書見贈依韻奉酬

括箭離弦豈復來遲遲三宿 帝城隈孤臣去國思知己 聖代

推公惜棄才天近尙書瞻北斗人傳諫草在西臺鳳巢遙隔重門

外鷹隼從今不用猜

八月初十夜重集李氏莊燈船釣魚酒闌樂作口號和龔尙書原韻

樓臺拂水水吞隄火樹金波五色迷蜃氣虛無疑海市魴魚肥美  
比遼西依依桑下情猶戀子舊居水南入黯黯樽前物未齊遮莫  
牽船楊柳岸送行詩卷落提攜

其二  
芙蓉露冷照銀塘錦席移舟一水香樂動儵魚應出聽人閒鷗鳥  
欲相忘月輪連夜猶天上羌管明年且異方邱壑京華從此別秋  
風客夢驚還鄉

姚給事龍懷置酒追餞卽席贈詩依韻奉和

猶惹鑪香兩袖煙近臣送遠惜離筵甘人魑魅何須瘦入水蛟龍  
或見憐年少憂時瀕死地老臣謀國嘿迴天秦碑滿篋多堪寄不  
損囊中渭水錢姚見贈詩云法書莫吝各類  
頻寄算入金貂質酒錢

樓桑村

蜀主生原帝子家蒼龍種復斷靈蛇苞桑宿處猶輪困偃蓋高來  
像翠華吳魏有天分鼎足關張無命落機牙君臣際會思遺樹翦  
伐安從問古槎上人言舊有桑  
數圍今已翦伐

張桓侯店

豪傑多生燕趙分誰於市井識將軍腹心屠狗陰求士里閭真龍  
蚤擇君報主魂來聞叱咤萬人敵在會風雲一閒茅屋村翁祭不  
獨巴東祠舊勳

九日臥病真定僧舍簡梁尙書

左官廚傳自蕭然藥餌相嬰寄靜便禪榻幸分祇樹下白衣誰送  
菊花前惡平聲池逝水東歸海恆嶽浮雲北障天邱壑未能忘謝傳  
芭蕉秋雨滴高眠公有蕉園圖  
曾爲題詩

梁尙書花燭詞

耕饁歸來臥岳陽履聲時復閒流黃鏡臺自昔知溫嶠中表杵臼  
於今學孟光趙女自能彈錦瑟盧家休得倚金堂尙書喉舌天元

近命婦肩輿定首行

真定曉雪示家人

雪花如掌壓荆扉夜飲朝眠酒力微梳洗妝成龜玉手衾幃慵起  
粟冰肌多情似妬何郎粉解舞偏隨素女衣歸釣寒江能作鱸鱖  
刀縷切腹腴肥

真定元夕

客愁何計度春宵趙女燕歌動寂寥南國關山同月魄京城燎火  
滿星橋經年妻子懸千里舊日親朋自九霄來歲如今歸去未甘  
人魍魅肯相饒

真定立春

道病逢春閱歲華那堪去國又離家雲深已返衡陽雁日近難攀  
上苑花滹水斷冰開濁浪太行殘雪照晴霞燕南趙北思吳越梅  
犯寒香柳報芽

十載

雕文羽帳合歡牀十載秋塵象簟長來坐妝樓中表妹舊眠東閣  
老蕭郎蛾眉醉畫嫌微闌鳳嘴膠絃解更張仙樹接成花異種南  
枝定似北枝香

其二

天女追還侍玉皇天河星宿復連張鴛機一手工縑素錦瑟齊肩  
較短長硯匣琉璃休別與薰籠翳翠自然香且教丸藥司丹竈相  
逐三山引鳳皇

題閨人扇畫花閒美人悼亡

用工部韻

謝家零落舊朱門綠水青山生長村玉種新人憐日暖珠沈阿母  
泣天昏無情芳草王孫怨有恨飛花倩女魂莫向智瓊祠下望明  
眸皓齒畫中論

琵琶

斜抱檀槽續續彈十三初學未曾難錦囊插棊憐微倦壁月規心  
照所歡秋雨怕從花裏聽春風莫向畫中看東山高臥相攜去江



上青峰一曲寒

黃鸝鵲隴帥所貢

翠衿隴俗頗相輕獨被坤文獻 帝京飛近御袍原一色貯於金

屋轉分明籠中毛羽憐還損夢裏君王覺後驚題賦禰衡如得見

合呼此族作音金精

其二

聰明為爾患多才正色孤飛轉見猜方外衣冠仙客至道家裝束

美人來生飯繡佛依金粟兒本鮮卑墜鴟胎舐得雲中丹鼎藥攀

龍飛去從軒臺

其二

佳人手裏養來奸紅袖親調轉舌關不著綠衣居下體應從黃鶴

控仙班哥名吉了眉同色樹遠流鶯語帶蠻右日開籠向西去舊

枝猶在憶家山

白櫻桃

姑射山頭冰雪膚謫來應訝世閒無初疑生摘嘗新菓細寫勻圓  
訝碧珠蟬翳露團清可吸鳥羞時令美相呼近聞白帝同春薦方  
色新堪進 御廚

其二

誰把凝脂詠素膚水精盤裏看來無只疑雲子沙為飯莫訝鮫人

淚是珠白帝巧偷炎帝令紅兒名亞雪兒呼鄭家得寵休相誚中

饋能供五色廚

臘梅

涉冬先破最禁寒漏洩陽和報一丸臘雪香經春雪凍黃金火轉

紫金丹花心佳人病起宜雲鬢道士妝成稱女冠詩人涪翁名始

重色同翁姓為翁看

其二

南枝開處氣温暉偷得風光占小園爛熳夕陽烘一色模糊寒月

共黃昏金塗自合居金殿道帔終當入道門龍背後宮多墮落人

閒仙種本軒轅

其三

尋花真悔著衣單能耐冷偏宜蹴凍看自有丹心傾旭日可憐檀  
日際春寒燭成灰後疑燈檠書被催時寄彈丸一樹金莖承露冷  
纍纍蓓蕾散銅盤

其四

后皇嘉樹產神皋三種湖口荷花九英苑石偏能動土膏睡去石  
家然桂燭折來幼婦剪并刀蜜蜂相見穿花失黃竹同栽接葉高  
根託上林開紫蒂聖人衣映赭羅袍

鸚鵡梳翎

隴俗奇毛到亦稀海南五色有光輝金杯公子憐鉤喙玉貌佳人  
妒雪衣顧影自嫌籠檻損側身空負稻粱肥摧殘六翮空延伫長  
對君王乞放歸

其二

苦樂長安別舊枝受人憐處半襦裋勿嫌憔悴無梳洗休怨樊籠  
有別離言語漸從喉舌轉文章還用羽毛奇修容詎敢忘初惠遠  
害虞羅巧莫施

其三

畫閣年深參養來莫教鷹集更相猜持行用喙能兼啄指爪如拳  
獨兩開名字自呼離羽族衣衿盡短恥多才依人故故從羈旅輕  
毳時時落鏡臺

其四

蘭泉浴罷坐窗紗不是仙家是內家紺趾自擎搔背爪丹脣還染  
守宮砂金輪得姓唐天子跳脫行媒萼綠華長伴深閨春困頓欠  
伸無力只天邪

其五

百度梳來雙鬢分畫眉空比卓文君只憑紅背當纖手細掠輕翰  
似綠雲留客喚茶迴翠袖呼人嬌語蕩湘裙鴛鴦七十多相如憐

爾聰明只左芬

其六

帶索卑栖萬里身鎖來縈錠性還馴頰傷紅豆遭蠻女翅翦雕籠  
罵玉人越鳥鉤輶誰共話吳音連瑣未能真隴頭驛使傳鄉信飲  
啄時時未損神

紅蕉

異種芭蕉葉閒花花葉葉自交加將雛朱鳳來儀遠刷尾青鸞  
舞影斜嶺外久辭丹荔子袖中還勝鬱金芽憐子白髮成飛雪對  
汝紅顏映落霞

其二

綠章封事叩瓊樓碧海珊瑚作帶鉤骨染朱砂深豔豔裙拖湘水  
遠悠悠葉宜聽雨當秋夜花不知霜近十洲底事多情心半卷春  
風未展早含愁

微泉閣詩集卷八

微泉閣詩集卷九

七言律詩三

將歸里途中有作寄親故五首

蹉跎中歲未成歸老病催人果拂衣乞得桑榆扶藥裏久荒松菊  
憶郊扉行藏漸近知天命身世從今杜得機祇恐故園花笑我春  
光白髮已相違

其二

少年學宦竟何成四十無聞逐偶耕去日親朋多故鬼昔時童稚  
盡成了黑頭歸里希江總負弩還邛遜馬卿人苦無年須養壽鳶  
肩何足羨書生

其三

腸斷隴頭嗚咽水枕流第二惠山泉清齋蓴菜羹初滑入饌鱸魚  
膾更鮮吾土稍宜衰與病人生何事食兼眠秋風正值歸吳日西  
望秦雲轉自憐

其四

憶別山巔與水涯側身南望是吾家門前綠水空明月城外青山  
自落花一杖從今遊鹿豕扁舟到處放魚蝦全生每欲兼微物休  
使機心慘鑊鉞

其五

全家霑祿賦歸與 聖代恩深許遂初兒懶背文勤日課妻愁數  
紙慰家書先妻子歸兩喪已辦營高地將為兩先人營葬入口何憂少宿儲祇  
愧涓埃無可報腰垂金帶里懸車

欒城道上深柳

老病歸途東復東道旁古柳閱衰翁樹猶如此腰還舞人孰能堪  
髮已童撲馬御溝花似雪維舟江岸葉兼風黃鸝也自枝間好北  
固山前聽不同

輝縣護國寺

太行如礪帶河長戲翦青梧一葉黃江上玉龍魚變服山中石馬

汗垂韁吹蕭乞食憐秦女王家有乞食者妝鏡埋香弔蜀王故藩妃墓雙樹深

開松柏路老僧留客說興亡

行經淮右

田廬邱壠兆青龍耨耜猶存自老農石馬半荒春雨草樵蘇盡爨  
漢陵松破家只博干觴醉守冢誰為四尺封淮泗尚縈衣帶水東  
歸渤海遠朝宗

天長道中

江淮風景漸娛人天氣清和地少塵場圃麥黃看其穫水田苗碧  
見懷新著筐螿卻絲堪買蛻骨蛇懸雨乍勻莫患南方生事薄男  
耕女織未全貧

秋日答楊參議韻

寂寥執戟子雲居庶下修成繁露書貧似北門操杵日賢如雜佩  
贈瑗琚子攜家京師與楊此鄰楊亦買妾牆頭更平聲得相呼便花底頻邀半醉餘  
重見故人談往事幸隨高步早懸車

其二

職官羈絆似牽拘爾我鬢鬢頗有鬚今我龍鍾須裏藥羨君調笑擁當鑪籬邊有約尋黃菊朝下曾同賜紫萸歸老卜鄰應共醉鴟

夷滿腹大如壺楊豪於飲

庚戌元日攜家惠山舟中作

東風自信片帆斜百里鄉園路豈賒愛聽山泉因煮葑並驅雞犬似移家未聞春鳥來檣燕已見寒梅笑岸花萬國朝正看北極十年拂霧馬歎沙

其二

去年元日棄孤臣趙北燕南滯病身八口一舟遷易散家人先歸吳山

楚水信難真卽看妻子還疑夢高臥江湖又早春只恐鶯花饒笑

我拂衣斑鬢已如銀

放舟尋梅遇雨泊惠山用元日韻

布帆無恙受風斜夜扣黃公酒可賒雨後泉聲喧客枕舟中山色

帶人家梁鴻谿上隨栖鳥鄧尉峰頭憶落花多少餘香留杖屨半霑芳草半縈沙

其二

五湖一棹逐波臣處處青山待乞身雲過九峰看世變泉烹二品識天真遲迴鶯至還愁溼點注花寒未放春安得十洲開玉樹移根宮闕映金銀

雨中泛舟虎邱觀某氏家伎因憶舊遊

一部清商阿鵲鹽教成歌舞出重簾香喉按節聞聲脆玉手吹簫見指尖響遏行雲驚鳥亂舟迴暮雨起魚潛明珠十斛真堪買自笑空囊吏頗廉

其二

不用中廚佐米鹽只教深院捲珠簾橫吹玉笛含桃破暗點弓鞋翠筍尖紅粉昔年曾邂逅黃墟千載已幽潛長安記得分饑日割肉無多又太廉

復和前韻示吹簫婢  
酒壺取佐水精鹽扶醉閒行捲繡簾  
卻斑毛供眼角畫馬掘筆  
上眉尖常攜絲竹山兼水莫問升沈  
躍與潛應笑夏侯何寂寞伎  
衣調曲也傷廉

辛亥元日

歲朝風日愛熹微片片蛟冰斷釣磯  
又紀春王正月令未知四十  
九年非芙蓉暖偏空鴛枕庚戌妻亡  
解鴈霜殘攬繡衣拜罷影堂閒謝  
客偏驚剝啄到柴扉

其二

懶性由來愛索居何勞應接到樵漁  
芒鞋自信過眉杖華蓋奚宜  
下澤車卜肆休占新歲運繡榻不換  
去年書春來草木階前侍已  
試梅妝又柳梳

其三

雞鳴警夜憶糟糠香案朝正拜玉皇  
婚宦心情一夢短江湖歲月

百年長課兒勤讀遺經熟呼婢教丸  
大藥方孤鳳攀龍終有恨半  
生迴首轉悲涼

其四

毘陵震澤早春初伐鼓縱金化日舒  
村徑雪消邀蠟屐山家梅綻  
遲籃輿乾坤白髮添人壽東北條  
風拂我廬燕草朔雲寒欲死老  
夫終釣五湖魚

和龔閨媛臘月望前一夕夢亡妻

江梅遠寄隴頭枝亡妻舟次訂龔欲以師禮延致予時將之隴右  
林下風傳相見遲玉鏡  
臺虛師氏禮木蘭船繫故人思山  
妻南浦成長別閨秀中宵夢舊  
知非鬪管弦非鬪草定敲棋局定敲詩

綠萼梅庭中雜植三種

婷婷瑟瑟豔陽天蓓蕾梢頭劇可憐  
葉景疑先花爛熳梅香欲亞  
竹嬋娟綠珠未墮樓頭日碧玉初分  
瓜字年莫訝僊人無定所巡  
簷索笑共嫣然

朱砂紅梅

綺羅莫笑負霜花，幻出殷鮮領物華。春雨廉纖滋血淚，東風料峭翦朱霞。絳桃空自然，仙觀紅杏何須問。酒家底事道人燒，眼甚似從句漏得丹砂。

玉蝶梅

刻雕萬象是春風，蝶翅花鬚奪玉工。莊叟夢魂歸樹杪，韓憑夫婦上芳叢。相尋正月蜂為友，未遇雙飛燕啄蟲。羽化何曾交粉退，翩翩舞過短牆東。

姪舜民將之燕和賓實姪韻

馬上春衣更厚裝，身隨雁去路何長。天人有學追三策，才望兼能繼二康。風力南溟應遠徙，君恩北望久難忘。經過燕趙多奇士，為寄新詩陌上桑。

其二

一聲路鼓撼天關，時候開復三載賢書桂可攀。游子歸來看衣錦，家人

去日問刀環如絲燕草，迎鞭碧似火江花。傲客閒故舊，中朝能寄訊白雲無盡在南山。

楊花

無力悠悠西復東，樹頭樹底一齊空。吹噓也會穿簾內，零落何辭糝徑中。閨秀詩成歌白雪，宮人拾得怨春風。雲和殿外堪腸斷，曾帶紅塵撲玉驄。

近園牡丹即席口號

藥欄綃幕護春風，春到真花氣更融。淺淺深深通酒力，朱朱白白總天工。蜂王游食爭香國，鳳子雙飛入紫宮。濃豔幾枝嬌欲語，兩行紅粉對衰翁。

其二

不怕身輕要避風，日香何必麝臍融。卷幃遙見嗁南子，上殿方驚殺畫工。滿月一輪菩薩面，紅雲十朵蕊珠宮。君王不復思傾國，莫慮淫荒持斧翁。

其三

上林一朵領春風，蕪蘊烘開借祝融。十戶一叢吟孰喻，聯詩七日句殊工。天香何處分仙種，國色還疑出漢宮。我老欲從花底活，任君呼作主人翁。燕京花市烘開，上供其直甚貴。

其四

洛下長安盛土風，叢叢冶冶復融融。豪家富貴元宜種，畫手臙脂竟未工。強韻先成誰合律，拂絃無誤不踰宮。主奏家伎綠房紅綻從人折，歸把司花伴醉翁。

春盡日看薔薇和韻

滿庭上架看狂蔓，萬朵千條出格繁。金樹枝枝供長者，一種黃天花處處笑阿難。鉤衣刺惡還須翦，染露英多盡可餐。一曲留春歌送老，不嫌酒薄味仍單。

莊春坊蘭語堂觀劇

學士填詞度貫珠，青蛾皓齒發吳歎。男兒屈腳疑雄兔，賓客纏頭

用玉臆一部歌聲齊。竹肉滿堂舞影散，氍毹幽蘭解語還。吹氣回首花叢笑老夫。

其二

闌編綠簡侍仙郎，豈獨門生到後堂。好手梨園邀蜺斗，傳頭女樂譜霓裳。從朝至暮來雲雨，采白兼青較短長。一笑迴眸堪百萬，等閒休學野鴛鴦。

和秋思韻八章

碧草紅顏共蚤凋，鄉心迢遞隔蛟橋。疾呼父母家何在，籍墜神仙路已遙。蔡女絕弦知故故，馬卿作賦欲飄飄。蕭晨有恨同秋士，呵問高天正沈寥。

其二

歸思流離鬢欲秋，久無梳洗閉妝樓。非關團扇悲班女，相見黃姑怨莫愁。不織殘機蟲語促，何心拾翠漢濱游。漫漫長夜多妖夢，金母追還到十洲。



其三

補屋秋霖上紫苔羅衣莫準嫁時裁病餘自比黃花瘦愁極那聞  
白雁來桂實虛生難問種鏡臺初合兩無猜女龍雌鳳終孀獨一  
寸柔腸日九回

其四

翡翠筆離詩久廢梧桐葉落句還成梁空玳瑁歸雙燕月冷嫦娥  
奈五更絲似藕根容易斷心如碁局未能平澹雲疏雨斜陽外半  
是無情半有情

其五

珠柱鳴琴不散愁怪他膠漆底相投惟將蟋蟀親鴛枕誰把茱萸  
當酒籌廿載人生看短景四時天氣總悲秋銅峰蹙損蛾眉翠溪  
水遙添淚眼流

其

一卷楞伽無是非老親繡佛且相依屏中玉潤休輕選掌上珠還

忍暫違貝葉天花空外散簪花薤葉世閒稀鸞裾鳳帶煙消盡手  
攬山雲綻衲衣

其七

憔悴還如病葉黃女醫喚到檢青囊春花連雨年年老秋草斜陽  
日日忙素舸郎看雲裏月獨眠人覺夜來霜飛龍骨出治無藥空  
使車輪轉妾腸

其八

投老儒衣製芰荷載書濟勝意云何漁樵有興同疏放祿位無能  
免詆訶山水佳如陽羨少文章才出美人多五湖游報嬌郎字繡  
被扁舟許共過

喜雨

秧鍼翠羽已經旬五月黃梅細灑塵雲出豐隆垂玉葉風生少女  
起青蘋長雷喜送吳天雨望歲憂寬隴畝民步禱伏聞勞  
聖主形求定見得賢臣

上因  
早步禱

其二  
朝野歡娛溢太和熊羆杼軸二東歌江湖沸鬱愁魚鼈渤碣乾焦  
稿麥禾去秋江南水旱鞭得風靈均水旱洗將吳越共滂沱泥龍矯  
首終歸土石燕翻飛已翦波

其三  
薄田糊口早耘耔農事霑塗雨一犁處處桔槔懸老圃村村臺笠  
聚東菑懷新畦稻勤蔥輓大上河魚理釣絲飯稻羹魚生計足南  
翁鼓腹太平時

其四  
無復衝泥出畏途高齋風雨臥江湖翻盆水勢平池岸潤礎苔痕  
上戶樞紅重榴花看噴火綠傾荷葉聽跳珠欣欣人意同嘉卉帝  
力天心慰舞雩

夏夜泊惠山  
半峰斜日在高春一杖溪橋攬九峰山氣夕佳遙靄靄泉聲夜落

遠灑灑波中月上金千丈松際風過籟萬重爽合披襟祛白鳥夢  
迴敲枕已殘鐘

夏夜泊楓橋  
野岸扁舟就柳陰火雲砭律日初沈城西古有寒山寺江水今無  
楓樹林吳市旗亭流果布客船鹽米橫黃金鐘聲只破勞勞穩  
臥江湖冷壯心

太倉王太常煙客八十  
詩畫高人兩擅場青箱名向此中藏章平門第經盈篋龍鳳家風  
笏滿牀縣叢西京當獻果蓬萊東海又栽桑至今八十如三十卻  
老何曾問禁方

荆溪紀事  
翠鈿月下乍逢時冉冉風光笑鬢絲共命鳥前開夙世合歡花底  
見相思父書曾賜三千卷母命偏多九十儀陽羨山靈溪水滑竺  
蘿村裏網西施

其二 真離四賦

同心同病得同車南國佳人總弗如京兆眉參才子筆茂陵渴著  
女醫書丹成授訣原同籍雪下聯詩或起予從此鹿門偕隱地閒  
閒耕饒好攜鋤

其三

相國門闌憐白也尚書東閣從微之娶妻仕宦難兼日名士傾城  
再得時後婦續成三婦豔新人轉動故人思非關桃李倡家女自  
嫁春風輕薄兒

其四

舊妝樓啟待卿卿中婦還同小婦行七十鴛鴦齊屈腳多年鸚鵡  
解呼名黃金跳脫看夫位白玉琵琶道子平不是朱門烏合者雙  
飛彩鳳聽和鳴

除夕同婦守歲用襄陽韻

半生白髮漸相催取次花叢首更迴藥轉百年金骨換歌殘千里

壯心灰蘭芽沒雪難充珮梅蕊禁寒莫放杯分得芙蓉春一枕行  
雲非復夢中來

元旦復同婦用襄陽韻

雞人無復曉籌催卻憶朝正拂霧迴日麗紗窗方啟戶風輕蠟燭  
未成灰春生半枕桃花眼寒退齊眉竹葉杯我唱五噫君相杵殘  
年晚計合歸來

城西桃李谿

花迎芳草斜陽外人在施朱傅粉中濃淡總宜烘暖日殷鮮相雜  
判春風如茶如火遙分隊傾國傾城未入宮蹊上不言貪結子卻  
教零落感衰翁

楊參議園避暑和韻

四松離立萬竿齊石徑縈盤樹杪低鏡檻荷香波上下蘿軒柳色  
水東西人人對酒聯新句歲歲看花憶舊題我輩追涼河朔飲笑  
他熱客隔雲泥

初伏日劉同年軒中避暑依楊韻重和

炎蒸三伏掩柴門避暑清風過竹軒置酒如君堪與飲下帷笑我不窺園琅玕簞上從醒醉書畫船中別宋元對客揮毫多樂事任嘲無佛自稱尊

錫山浮屠

貝塔標峰更出羣層層闌楯照斜曛一條景倒梁溪水萬丈梯凌震澤雲首抗龍山諸嶺伏風搖鳳鐸半城聞憑虛直上諸天上百里纖毫杖底分

秋感

每值蕭晨歎輶軻悲風動地水增波催人病葉霜前落笑客寒花雨後多北使何曾通雁信南翁自慣聽漁歌驚寒御袂吾衰久猶有宮衣蛺蝶羅

七夕和莊春坊並蒂蘭韻

天孫機上散天葩九畹叢中九錫加背面含嗔爭浥露同心微笑

各拈花騷人初珮秋何晚湘水移根路已遐蜨夢曉尋迷鵲駕杜

蘭香本是仙家

顯慶寺僧以湘竹易書謝子蘭有詩題寺追和其韻

閒過竹院法王家留客遲遲瀟水茶未許鵝羣酬醉草聊分鳳尾潤簪花淚痕帶雨移還溼粉竿去聲凌雲勢欲斜自對此君休食肉

飯僧脫粟不須賒

謝詩賒來脫粟忙炊飯

過宜興潘氏新買園

古園卜築幾何年易主經營漸自然書畫樓開來舊燕池塘橋斷別棲禪溪雲近漲芙蓉檻山雨遙飛楊柳煙移得河陽花滿徑春深每費買花錢

攜家荆溪用舜民姪荆溪汎宅韻戲寄

誰市燕昭玉腕騮且攜妻子息交游斬蛟橋下東流急射虎山南宿雨收半嶺白雲桃竹杖一溪明月木蘭舟阿咸漫頌劉伶酒老我西施似莫愁

癸丑元旦沈繹堂探花見過余方病痔

高臥江湖春復春未教苔徑破朱輪京華問訊無歸雁窮巷相存  
有故人天府功裘貂一具沈賜貂中書老筆寶三真東山自為蒼生  
出宣室非關問鬼神

其二

病免沈疴再拜難遣兒迎客道平安淞江有鱸堪調鼎上黨無稜  
久罷官三晉雲山言秣馬予視嵯河東沈見過五湖蝦菜笑彈冠

聖朝求舊須公等獨戀珊瑚拂釣竿

牡丹經雨和韻

錦幃空憶珮珊珊頃刻難開九轉丹夜半酒醒金粉脫朝來紅瘦  
翠裙寬夢迴雲雨沾餘溼倦壓闌干中薄寒年少不堪惆悵甚老  
翁應倍惜春殘

其二

殘紅青冢草如茵蝴蝶情深憶殿春富貴夢中空栩栩臙脂畫裏

寫真真為看零落花含淚肯惜淋漓酒入脣深色一窠三月盡長  
安車馬鬪香塵

五日觀競渡

夏日初長返故園水嬉佳節又相喧龍舟競渡吳兒手魚腹懷沙  
楚客魂朱火蟠花然老眼宮衣細葛憶君門攀髯卻墜成遺事御

柳天濃識

至尊庚子五月四日召試西苑

其二

令節傾城壓看場江東士女重風光玉簫金管千人和畫舫青簾  
一水香燕溜權歌爭綠鴨蟻浮樽酒引昌陽玄黃戰鬪龍相競漫  
叟題詩續一章

七夕示家人乞巧者

微雲掩映渡銀河帝女初停織錦梭衣曝長竿聊免俗文充敝帚  
漫旁羅不愁烏鵲填橋少只怕龍龜密網多差勝九秋孀獨夜化

倚紅蕊怨青蛾

其二

碧落遙遙日月遲人閒甲子苦相思夏蟲那復能知歲樵客由來  
莫看暮草草何愁分曉夢盈盈不久隔佳期與君同住神仙界綠  
鳳丹雘少別離

秋興次何大復韻

蕭瑟江城眾壑哀芙蓉寂寞雁飛迴人悲草木同衰暮鳥避炎涼  
數往來南菊久荒三徑沒西風又報二毛催歸休身世甘相棄卻  
掃蓬門設不開

其二

一麾多病乞殘年遠放江南欲問天消渴豈如園令甚安車已似  
薛公懸耳聾曾聽清都樂裘敝還攜滿袖煙自是京房精考課流  
連藻鏡五湖邊時以病中  
考功法

其三

書成繁露贊麟經三策當年擢漢廷搏擊濫騎桓典馬寂寥仍草  
子雲亭紀庚子夏五月引  
見西苑考授事翠華豹尾開閭闔靈沼龍窩動晦冥西苑  
池中傳  
有虬龍溲落只今南極外太平長作老人星

其四

雕俎無為祝豕牢休官老病脫青袍老來欲賣三眠柳病起須觀  
八月濤泉脈遠疏懸檻落石根移置閉門高葉丹苔碧拋書坐走  
馬蘭臺已憚勞

其五

朝封諫草九重來暮賜宮茶帳殿開衛士遠騎天馬送小臣看睨  
角鷹迴紀庚子十二月廿  
召至南苑事狂言不避將軍諱年少誰憐賈傅才龍  
去鼎湖髯半墜園陵白露每興哀

其六

一臥江湖半百過勞生萬里返牽蘿黃花丹桂隨藜杖蝦菜蓴鱸  
理綠蓑三晉河山搖落早兩京風土苦寒多按部三  
晉秦豫南中橘柚欺

霜色御袂臨流弄素波  
早雨京風上苦寒  
其七  
鷓鴣鳴殘百草芳  
丹楓門巷晚經霜  
不須北戶能清暑  
漸喜南榮得向陽  
侍女扶衰惟曬藥  
驕兒課讀未升堂  
敢將跌宕誇文史  
燒燭攤書度夜長

其八  
消息長安書幾封  
殘生莫復哭途窮  
誰家有淚山陽笛  
處無情碣石鴻  
相弔蟪蛄憐病後  
休憎蟋蟀伴愁中  
鷓鴣腐鼠輕鳴嚇  
聊寫離愁繼國風

對菊  
暮收作意勝東皇  
嫩蕊斑斑鬪晚香  
紫袖宮人販道帔  
鞠衣軒后舞霓裳  
屈平淪得秋將落  
陶令歸來徑已荒  
一任移根栽上苑  
慣禁天北早凝霜

宿留安陽山楊氏園  
古堂久空去聲鳥聲幽  
宿留音溜居停借客游  
四序名花常繞砌  
數圍老柏不知秋  
北園臨水盤奇石  
東面看山上小樓  
池館西鄰零落甚  
松筠深鎖百年愁  
西有楊氏族人舊園

楊氏丙舍山園小飲  
氣融龍耳雜冬春  
山樹如薺草似茵  
古墓松楸悲石馬  
窮園花木感游人  
射麋野飯新充腹  
浮蟻香醪滿入脣  
歸路據鞍猶矍鑠  
至日次湘靈龔字  
投老何妨白髮生  
病身卻愛一冬晴  
江梅岸柳書雲物  
樽櫟桑榆見太平  
日承繡紋欣炙背  
陽迴玉燭問和羹  
判年卻埽衡門下  
卒歲優游隔世情

其二  
八龍動地變虛生  
京師地震十月輕雷陰復晴  
吳地冬雷五岳攸司黃閣老  
三光終望太階平  
蚤朝次瞰楊修酪  
晚計歸斟張翰羹  
歲暮草衰

其二  
三光終望太階平  
蚤朝次瞰楊修酪  
晚計歸斟張翰羹  
歲暮草衰

三光終望太階平  
蚤朝次瞰楊修酪  
晚計歸斟張翰羹  
歲暮草衰

收病馬天閑立仗戀

皇情

時有休致起  
特旨

甲寅元日

桃符不換雀羅門  
報道今年與主恩  
前被濯龍收病頽  
青黃斷梗破儀樽  
林猿祇恐驚清旦  
金虎無從伺九闈  
繁露首書正月事  
陽春一布滿乾坤

其二

今年生較去年浮  
病與年增羨死休  
痔館祥翻同豕睫  
眼花字不見蠅頭  
沈淵自笑成奇疾  
逃瘴鮮妝忍九秋  
藥餌扶衰情所止  
功名身外復何求

癸丑元日病痔三秋  
瘴癘冬眼暗春漸水

其三

手栽樹比初栽大  
獻歲花添去歲香  
已逗和風窺柳眼  
半消殘雪試梅妝  
人誰堪此能無恨  
蜂乍來時也自狂  
白髮倍難輕節物  
青春容易到林塘

其四

今年鬢較去年霜  
骨肉團圓喜一堂  
失學兒驕知副墨  
偏憐女弱漸扶牀  
美公閣妾跛猶悅  
飲子山妻面復光  
忽送老夫過半百  
何當婚嫁儼成行

人日積雪自二日始

一暴三朝匿豔陽  
元日龍沙飛雪渡衡湘  
鶯花無處尋消息  
人物何由應壽昌  
燕雀死多徵漢后  
庚辰書法繫春王  
呼僮早起頻除  
掃白屋寒多臥欲僵

其二

雪車冰柱擎佳辰  
冬令愆行孰秉鈞  
獨與松筠留晚翠  
不教梅柳報先春  
黔烏映黑饑無食  
皓鶴矜鮮舞向人  
蓬戶擁鑪連日閉  
穿簾點鬢也如銀

其三

盈尺空聞大有年  
梅花萬里凍蠻煙  
雕旗夜暗昆明水  
縞鹿宸游雲夢田  
犬吠越中過桂嶺  
馬寒果下沒鞍韉  
何人授簡還傳檄  
坐



定西南半壁天

常熟錢尚書拂水故莊

書帶猶生舊草堂登年靈壽似靈光飛泉落砌濺窗紙空翠霑衣

溼屋梁拂水迴龍文誓墓尚書新阡詩蘭巖偶鶴宿連張河東空

留謝傳青山在過客傷神似姓羊

未利

良嶽珍花冠眾芳一金幾本買山塘少年不能音凝寒色向夕爭

開長夏香朝露數來明老眼晚風浴罷上殘妝章江擁塞無消息

是物何時離去聲故鄉

五日湘靈辭字

澤畔行吟端午節蒼梧雲暗莫陳辭傳杯又照花如火帶甲那逢

鬢已絲楚厲五紋無命日吳兒百戲不張時無競渡亞夫營裏新從

事劇孟於今是阿誰時諸公薦起軍前

諸將和杜韻滇南

丹書刑馬誓河山奮挺驅除遂入關甲第祇應高特進連城安用  
擁行閒忠非劉氏心如日哭向秦廷血尙殷舉事白頭玉印破美  
人帳底老朱顏

其二入閩

炎方六月少堅城屈強去聲溪山遂抗旌循髮昔來萍島皮島客合符

今距會稽兵荔支夏熟香難獻榕樹陰濃暑正清血漬甲裳嗟汗

馬何如雲夢託陳平

其三楚蜀

日迴蜀道有高標江合巴陵春雪消劍閣勒銘堪割據洞庭張樂

悵參寥能求劇孟方堅壁誰是盤龍得珥貂荆襄鄰敵聞道昆明池水

竭應宗渤碣遠來朝

其四兩粵

扶桑銅柱照邊烽圍合潮陽透數重難寄梅花萬里信易開函谷

一丸封秦拔將稍聞左纛能歸命猶恐生犀缺正供騷動三垂飛

輓亟千金十萬問司農

其五 江南

天險瑤光戴斗來水犀弩手射潮迴雲閒破浪思飛將已亥松江大帥破賊

藍海上樓船走鳳臺馬革自應爭百戰穀陽無復進千杯主帥善飲安

危根本憂南顧闕外還須大將才

庭桂時發秋蘭亦花招同年黃刑部艾菴楊子芝田舍姪舜民輩

小飲黃投詩屬和

我愛高陽舊酒徒花辰有酒便相呼花能歲歲三秋好酒遣人人

一事無何肉周妻言有累十日不赴二參八斗醉應殊兵戈阻絕思

甌粵難得堆盤貢木奴福橋不至

其二

百年強半且為歡黃長余二歲竟日淹留并二難炎德本宜紅蕊桂秋

懷每寄紫莖蘭奇心有骨金風力愁眼如嗔玉露溥買得小山招

大隱餘生雞犬憶劉安

挽湖廣學使者李元仗

孤寒墜淚動荆襄一代風流畫省郎地下那堪埋玉樹山中不信

有金堂李好道羊曇舊路何人哭燕子高樓斷妾腸李有女入道前有妾自誓前

日書來懷袖裏銀鈎屏障尚輝光李為余書屏障

其二

平生親串最相於鄰笛淒淒更憶渠易水和歌燕市酒楚天遠寄

武昌魚空彈綠綺人何在李有兄相見黃泉樂不如母喪甫闋謝傅門闌

多愛女夜臺眠閣從尙書

除夕

屢頌豐年賀治平懸知反昃是韓彭三時水旱無禾麥太白光芒

有甲兵伏臘催人增鶴髮春風動地候雞鳴願陳農器休征戰歲

歲屠蘇送此生

微泉閣詩集卷九

微泉閣詩集卷十  
七言律詩四

乙卯元旦雨雪

積陰慘澹鬪龍蛇  
楚雨吳雲冷萬家  
擁砌偏能封蕙草  
巡簷錯認放梅花  
衝泥懶著登山屐  
報謁偏勞下澤車  
江左處堂憂不細  
朝正使到望京華

送楊陶雲之官九江步令弟芝田韻

潯陽九派大江流  
瑟瑟江頭易感秋  
十載浮沈猶執戟  
一官羈絆等監州  
吳頭楚尾當雄鎮  
瀑布香鑪數舊游  
先移官江西司馬青衫收別淚  
琵琶佐酒莫深愁

生日得三字

年過半百又加三  
田牧輸家餉日南  
漸苦耳聾驚戰鼓  
羞將髮白點去朝簪  
自安耕鑿從遺老  
勤讀經書謝長男  
遲暮但逢調玉燭  
庚寅何事怨江潭

其二

踰月春光三月三養花天氣愛江南諸孫春酒還圓坐舊友花晨  
盡合簪蒲柳先秋嗟老子熊羆當日慶宜男此生長戀微泉好何  
似中秋鈿鈿潭

賞杜鵑步黃同年艾菴韻

望帝前身是此花春心漫託野人家烽傳點點宮門報夜發聲聲  
羯鼓搥石首練華齊入市蘭陵玉腕不須賒未知異種繙風雅自  
笑談經遜陸又

其二

豔豔花光雨後清看時老眼向分明火雲千里殘杯嘆碧血三更  
遶樹鳴丹雘湛來青帝染素絲冒處絳天縈休疑北斗殷相映為  
閃朱旗萬里行微雨乍晴時  
楚蜀用兵

五月三日觀競渡

朱明首夏又星移五月江城張水嬉競渡尚傳招楚厲長沙不遣

弔湘纍白雲過曲翻歌袖地名自雲渡碧柳緣隄學翠眉先甲遨遊催  
老大今年重五兩重時

其二

避兵處處舉黃旗續命人人繫綵絲江米接糧無角黍野花埋血  
有戎葵將軍一彈金丸落太守千杯向日移將吏張飲彈人而觀其避丸令節  
先期陳百戲今年重五兩重時

五日

今年重五兩重時夏淺花應為閏遲葵榴未花旌節不開荒蜀國塗林  
未放隔條支涼蜀告警脯馴龍性燒胡燕黍辟蛟涎縛彩絲水暖銀塘  
蒲可結行吟澤畔扈江蘿

其二

今年重五兩重時去歲茲辰赤羽馳無首臥龍藏夜壑去歲無舉龍舟  
頭猛虎繡宗彝三吳毒賦催新穀萬國徵兵建大旗安得普天休  
戰鼓尊前三歎欲反音音卮

閏五月五日疊前韻

今年重五兩重時赤帝啾啾龍轡遲百草鬪殘輸約指扶南醉後  
困要支偏多惡日增高戶再得佳人續命絲樂事更番如有意楚  
歌層疊怨江離

其二

今年重五兩重時長夏偏留白日馳榴實釀中多木果梅殘笛裏  
落瓊彝頻聞射柳驚傳箭屢過飛鳧學簸旗善守四方思壯士橫  
行誰醕項王卮

逃暑酒浙和工部韻

京塵道暍費陰凌雲夢瀟湘氣似蒸寒映琉璃屏八尺病虛鑿落  
酒三升難拋紫桂常須藥易擲青袍尙飲冰六月普天聞汗馬書  
生一鄣有誰乘

金壇顧龍山

壯縣青郊貝塔光登臨山水莽蒼蒼翠微石出搜斜豎木末帆來

送淼茫一劍真龍經御宿山頂有亭三峰白鶴近良常望中憑眺多懷

古鬱鬱雲林鎖辟疆于氏園名雲林因明祖駐師龍山御製樂府詞有望雲林鬱鬱之句

八月十五夜微泉閣坐月

白月清池影蕩摩登樓老子興如何疑看苜蓿牽秋水漫惱蟾蜍  
入絳河警鶴當階知玉露吟蛩在戶怨金波關山此夜南征曲回  
首征人盡枕戈

八月十三日飲鶴莊叢桂下示舜民姪客秋九日來游園屬李氏今年歸姪

今歲游更叢桂主去年來作桂叢賓人衰斑白何堪樹秋半丹黃  
不謝春東上月娥臨皓魄西來金粟現前身一枝折寄霓裳詠促姪

借招隱山中煮陸葍

九日孫氏放園

帖石成山野水寬蕭晨勝地且爲歡醴吹菊蕊扶衰鬢裳集芙蓉  
稱挂冠山半翠微雙屐健水邊秋氣袂衣寒手栽花木東皋滿門  
鎖松筠賸客看主人宦游未歸

虎邱至日

寒山未覺一陽迴律曆應吹玉瑄灰落木響添蘿徑葉凍泉痕滅  
石根苔南翁白髮悲衰柳吳市青錢賣蚤梅老畏飛光猶晝短夜  
游秉燭盡深杯同諸公小飲

除夕

才過半百又三霜今夕除增去日長婚嫁名山雖未畢松楸負土  
漸成行今年營葬畢加年熟讀愁中易多病鈔傳驗過方白髮總能休  
萬事止情上藥是金堂

其二

四方多壘一隅安隴坂迴車蚤挂冠余以病未之官秦州今用師地兵氣消融占  
得歲明年歲星在吳人情輕薄悔休官空虛舊徒民諸越牢落新燒棧七

盤何日乾坤能息戰衰翁燎火醉春寒

丙辰元日用除夕韻

梅花已破不知霜客臘先春日漸長東面風光枝蚤覺北鄉雲影

雁成行歲星一載臨吳地殺氣三年暗鬼方甲寅歲朝西南間警開府上流

龍種貴鼓聲初起陣堂堂郡司馬江右人云親藩駐師賊鳥獸散

其二

萬國朝正慶治安惠文如著鷓鴣冠黃龍戲衍誇西域涼州阻兵白獸  
尊開宴大官自乞江湖添鶴髮免教妻子賽烏盤子昔言事留中累月舉家惶懼

春雪

南雪紛紛壓紫苔春光冉冉犯寒來香心半擁纔生蕙冷蕊難尋  
欲放梅亂點白頭還一色爭搏玉手不成堆東風造次先施巧拈  
得空花爛熳開

春雨

殘臘奔雷未肯晴十二雷開門風雨晦春城梅花欲笑朝還泣芳草  
教鋤夜又生蓬華人稀苔徑滿池塘魚樂水痕平衝泥走馬長安  
道陸楯霑寒辛半更

其二

婦歎三年遠負戈東山其奈未歸何漏天弓箭膠應解瘴海旌旗  
溼不摩李廣數奇皆巷哭驃姚年少但酣歌有客談軍中事因洗  
兵長得無征戰細雨斜風臥綠蓑

即事

禮經聚訟讀將殘史句非俚學最難姪舜民云夾際鄭氏云或史  
皆謂其質分減鶴糧馴鳥雀節量平魚俸減盤餐青錢買竹貧千  
貫紫桂扶脾病一丸白髮春來那可鑷十年免點去聲惠文冠余以  
丁未

官左

久晴得雨余有春雨二詩霽後湘靈至有喜晴六詩無何乍晴乍  
雨淒風東來白日西匿草生花死春盡其中次首章韻續得六

詩

豔陽何事雨侵晴九十春光功不成喜雨人閒還苦雨有情天老  
卻無情暫迴白日蒼龍駕能蔽浮雲丹鳳城入蜀破吳殊旱滂五

行偏廢警承平

其二

水國陰寒雨乍晴紀時朝夕句還成將雛舞燕渾無定喚婦斑鳩  
豈有情易老花枝紅藥砌欲愁草色綠春城高齋鎮日泉聲裏洗  
盡中心事不平

其三

鶴鳴婦歎卜陰晴夫婿封侯事已成海島橫來連向主皮島秦庭  
投誠秦庭  
胥哭戀多情陳圓蠻煙到處蒸梅嶺楚雨無時歇錦城韎韞明珠  
消息斷將軍何日定昇平

其四

溼雲潤礎火雲晴輕筆纖絺混織成蕙歎梅妝真薄命蜜蜂胡蝶  
浪牽情賦成神女來巫峽善眩仙人噴蜀城五里紅霞三里霧不  
知秦臘換嘉平

其五

疏鐘急鼓報新晴又打紗窗夢不成爭浴烏喧知物性衝泥客至  
見交情田租自足收千戶書卷何曾減百城高枕閉門常嬾出莫  
將霽色問君平

其六

君本閒人重晚晴我因連雨報詩成朝光入牖驚尸寢夜話聯牀  
冷宦情一代風流題二老百年愁疾鎖孤城須知 聖世恩深處  
不遣長沙弔屈平

二月三日朝霽楊芝田招同湘靈飲葛仙橋西宅中更酌東園春  
曉閣閣俯殘花薄暮復雨仍次前韻

六時風雨六時晴春鳥聲中閣再成卯酒興移賓促坐雨花零落  
主多情草玄宅近前臨水種豆園荒僻背城南極今宵雲霧裏老  
人星聚泰階平

其二

龍池祈雨社祈晴蛇足先成酒後成座客分曹賭酒  
余堅坐相看三宿桑陰逢

舊館子昔寓此園  
老桑尚在一年花事惹離情君家清飲西江水時芝田令  
兄復官九

江我老慵看北斗城客醉獨醒心不競石闌橋畔綠波平  
生日雷雨仍前韻

老農老圃慣量平聲晴學宦蹉跎兩不成青失麥苗盍有望紅愁花  
木最關情擁書泉上逃人境走馬泥中憶帝城一任疾雷翻幕燕  
鶴妻鹿女侍方平揚芝田贈余鶴一隻鹿  
雙角久馴就食掌中

雨中移蜀茶一本高尋常大逾把活而得花仍前韻

移花翻欲避春晴種樹尤難得晚成遷地栽培生物性託根拱把  
老人情渥丹吐處私旁舍碧血藏時化蜀城開落儻逢殷七七紛  
紛紅雨石牀平

連雨惜花仍前韻

花開未遇碧山晴花下良游竟不成草際惹來還有恨鳥邊蹋落  
更無情仙衣自溼高唐觀粉淚能傾下蔡城青豕玉鉤香骨朽濁  
泥何獨怨吳平



其二

久雨連旬變久晴枝頭結子綠陰成斷腸花落隨人事裏足苔生  
隔世情一道泉聲供嗽石千重柳色染春城閉門自得深山趣五  
嶽何勞慕尚平

久雨垂二月末仍前韻

兩月曾無十日晴麥秋那復望西成雷公鳴鼓聲何怒玉女投壺  
笑有情瘴雨鬱蒸龍伯國楚雲遙接錦官城洗兵若踐師期至天  
漏炎方早蕩平

冥錢燕穀桃李園旁升高把酒望花之顏猶坡公看山謂如人之  
旅行牆外而見其髻也仍用晴字韻二首

屋角春鳩喜喚晴花林朱粉曉妝成玉鈿半面留初嫁露井高鬟  
早定情酒佐雉羹斟北斗湘靈山殘錦樹傍南城舊名南村詩題太白

芳園序鐵石終難配廣平

其二

黃鬚紫萼弄初晴宋玉登牆祇目成明月迢迢那可得游蜂采采  
不勝情如茶偏占風流陣似火延燒七十城老眼渾疑看霧裏霏  
霏紅素暮煙平

夜雨朝霽起看海棠

多碧添肥襯葉開嬌紅增重壓枝頽淚痕界面知何事酒力扶頭  
懶起來胡旋去聲舞多嬌引睡朝行雲罷夢初迴臙脂半溼還零落  
展齒餘香印紫苔

為宜興周同年悼歌姬

聲伎東山解語花何由重見是非耶宜男凌雪名芳草白鳥輕雷  
淨絳紗周言其善驅蚊殘繡鴛鴦同占水自調鸚鵡喚烹茶不將曲誤邀

郎顧城上芙蓉憶妾家

喜晴小飲次湘靈韻

坐愛晴窗花影過蔚藍天奈白雲何藥欄映日紅髮鏡檻含山  
翠錯磨明庶和風邀舊燕嬋娟新月鬪雙蛾還餘一半春如海酒

與春深莫厭多

攜家人至江陰答夏同年贈詩

丁年各折桂枝芳拂袖同歸四十強門致春申珠履客官承夏后

會稽章夏守紹興祇驚新句江如練肯借居停竹過牆笑我伎衣彈錦

瑟君山青處對瀟湘

丁巳元日閩粵涼州初定

玉燭長調十七年東皇消息報應先立二日梅花嶺外遲來使朱橘

聞中望貢船明日春盤傳在手茲辰臘味醉流涎朝正送喜

天顏動方丈崑崙入幅幘

其二

自脫青袍已十年年年白髮漸盈顛紅苞冷蕊行音栽樹綠碎冰

池淺鑿泉文賦佳兒成弱冠見二十年雪詩嬌女弄花鈿憂違自得須

行樂歸去來辭續一篇

其三

漢庭許抗諫官章入粟依然補阜囊臺省議開捐納病馬誰能收汲黯黃  
金無術作音佐王陽鐵冠或本南陽冶馬角還疑上苑羊無事助邊  
先息戰干戈既省笥衣裳

立春積雪

雪積春朝少燠年春風無力到冰天侵凌雪色知梅性遲滯春光

困柳眠立雪空庭留鶴跡偷春碧沼動魚竿傷春對雪寒欺老狐

白蒙茸坐馬韉

青墩觀梅

負霜不與綺羅儔管領春風占一邱壓雪開時多遶屋忍寒看處

更登樓軍持帶子青如豆玉手兼珠白滿頭為緩阿咸東閣興桃

蹊李徑漸從游舜民姪將之揚州

其二

枝枝古幹託窮園朵朵繁花映遠村開處白雲迷月魄落時殘雪

葬冰魂寒依修竹橫籬落老伴長松掩華門墩背古松離立惱得此翁堅

坐臥黃昏清晝倒金樽

次前韻

神女明珠各命儔仙人冰去聲雪近丹邱試妝開鏡東南月索笑巡

簷西北樓花陰將構小樓半畝玉山迷鶴影一池香水浸魚頭舊名鶴莊水周其外

年年白髮相催發老罷還鄉馬少游

其二

游興初聞香一園春光猶帶雪中村新妝片片宮人額素面亭亭

倩女魂白屋總堪名月觀瓊姿翻厭鎖朱門醉將翠羽花閒宿開

落毋空北海樽

七夕池上微涼示湘靈

半畝荒塘半畝宮火雲漸散暮天紅夜中白鳥臨流聚秋後青蠅

向晚空露似珠圓凝菡萏月如弦直挂梧桐纖絺輕筆追涼處相

對披襟少女風

其二

誰挽銀河洗鑊鄒牛耕女織務生涯流黃空覆支機石筇杖虛隨  
貫月槎烏鵲繞枝空送喜蠨蛸網戶未歸家西南徵兵憂時拙宦無庸  
巧花果何須半削瓜

九日無菊以病止酒登泉上小山

窗峰高倚浸滄浪緩步躋攀足自良短髮簷風從側帽空心鄰樹

得過牆西鄰有樹以不才免伐病拚酒斷三升淥老任花遲九日黃來歲吾

衰難復健茱萸空憶上書囊

婦病廢詩次九日韻催之

思親空自淚浪浪苦口相扶藥物良金屋有塵猶挂壁悼亡玉臺無

句豈登牆先和秋懷詩髮濡白酒玄將白面北黃花瘦更黃天合老翁

偕病婦春秋佳日滿詩囊

郭令太母黃太君壽閩平始得家書

投戈難見老萊衣捧檄還遺寸祿微門內避兵稱巨孝閩中候雁

近南飛角巾爭慕型東國竹馬遙迎潤帝畿海鶴附書休鬻指

朝暈烏向慈闈

湘靈夢中句云乍登覺地心先冷初入仙班體便輕屬和

南紀蕭然久厭兵菰蘆晚景臥吳儂老因憂國心猶壯身為休官

病漸輕蓴菜秋風吹笠澤樓船夜月冷昆明大作戰艦普天那得

無征戰夢裏華胥見太平

病不食齏

吳中稻蟹帶秋霜胥薄青州屑蜀姜斧擁雙螯擊郭索筐傾一壳

戰玄黃文章還帶將軍甲挂象元虛公子賜鱸膾千頭雞百跖斯

須躁擾豈堪嘗

丹徒懷古十載歸田未過京口以送兒子就試渡江

里閨英雄劉寄奴行人指點說丹徒社錢魚服遭羅網藥草龍方

伐荻蘆西笑長安多北客南浮貢道自東吳十年一臥芙蓉國閒

向江流問霸圖

秦州陳給事招飲二宜精舍索詩

畫省歸眠彌勒龕 帝城車馬自驂驪謝家邱壑偏宜置嵇氏疏

慵本不堪斫鱸作羹羅海錯名花怪石采江南酒壚雖近河山渺

堅坐看君飲半酣酒半談燕市龔石諸公夜飲事時二公已沒

其二

惡少翻鹽張九四土誠秦州鹽徒撼山舊壘岳家軍太山墩岳少保屯兵處狐鳴割

據西風起龍化偏安南渡分百尺樓中來舊雨海陵倉畔變寒雲

相逢更羨休官蚤花落河陽憶別君給諫左官懷慶子使過之距今廿二年矣

戲索波斯香圓于惠公子

青黃數寸樹頭霜顆顆肥皮裹澀麤假面似胡多碗礪入懷如橘

費包藏白驢走置休辭瘦黃馬成三自有方翦取函封憑惠子素

磁深貯董帷香

戊午元旦

養蒙泉石十年來泉長魚兒石長苔無事憂天通五嶺何時避竈

望三台鬢臨曉鏡疑殘雪除夕前一雨雪心向寒鑪撥死灰縱使豸冠

收病馬難教白獸一樽開

其二

莫患頻年老病身佳兒得婦定娛親  
紉鍼補綴翁裘傲洗手羹湯  
姑薦新兒娶新婦嫡母生母俱不及見丸藥婢須催曬日當關僕莫報侵晨影堂  
蚤下先人拜蘭茁曾孫起後塵

其三

到地漸消殘臘雪朝東偷發早春梅  
四時如錦花饒笑十歲成圍  
樹自栽泉脈赤闌橋下動凍痕  
浮玉石邊開亂泉為橋布太湖石為路牀頭癡  
叔搜玄理戶外諸孫破紫苔十姓從子受經是日早過齋中

其四

棉拆與師下夜郎十二月初十日洞庭春浪破瀟湘  
鬻官都尉搜紅粟習戰昆明斬豫章太造師拜文中招共隱友  
從彭祖檢神方坐主王蓼航休官見過兼訪錢湘靈魚跳平聲極樂蛟冰斷鳥語休驚蜨夢鄉

五月三日虎邱觀競渡

通門綠浪湧琉瓈競渡先期張去聲水嬉敬弔江魚腹裏石行歌  
白虎墓前池倉輦西子離鴻網角觝夫差教水犀吳中拳勇輕舟并戲習五兵士女盡  
出楚厲有魂招不至吳兒舉國醉如泥

五日白雲渡觀競渡

水嬉傾國共歡娛鱗作雲從寓舳艫抱石魂誰招楚些弄潮兒  
自唱吳歛蒲根艾葉蘭陵酒錦纜牙檣洛浦珠應任遊人嘲老大形  
容江上一何癯

其二

澤畔行吟久拂衣汨羅何似舊漁磯蛟龍燕脯馮誰寄魑魅人甘  
祇自肥旌節花枝疲道路奉使按部行半天下石榴裙衩妒芳菲悼亡心情  
木石吾還喪偷取殘年且食薇

其三

投老江城製芡荷惠文柱後昔峩峩大官賜櫻雕胡米端午宮衣  
蛺蝶羅漢使移花隨虎節應官吳兒解水狎龍窩纍臣若遣蒸湘

去犀甲披肩手荷戈

時多起官赴楚軍前

壽黃同年

歸來仙令鍊丹砂素髮青山度歲華千頃汝南元世胄無雙江夏

尚承家門前碧玉栽楊柳甕裏黃金釀菊花同榜晨星還屈指幾

人騎鶴擁高牙

飲子柳下小閣復惠家醪

七夕和韻

銀河斜耿月如鉤繞樹芻尼似報秋乞巧文成通帝座長生殿冷

入邊愁征夫罷織支機女羣盜誰牽賣劍牛鹿頂宮人開鈿盒鼇

絲喜子笑高樓

古跡

山色周遭江練橫傳車解甲石頭城不朝牛首山終古直到龍川

江自清半醉臣霑不醉酒無愁君愛莫愁名一家六合輕天險南

國猶煩住重兵

其二

蓬根土顆蔽松楸守家中官已白頭月色秦淮深夜過水聲建業  
至今流六宮點額梅花落靈谷寺多古梅半面妝殘菡萏秋郭外種荷燕子自  
來尋故宅堂前非復舊王侯

崑山李民安北園看菊李有詩次韻

幽興平生蚤乞身名園鑿翠隔紅塵江楓共醉悲秋客籬菊兼逢

送酒人今雨同舟交自舊泛舟古墳乾土鬼如新豕鬣豎伎衣絲

竹山皆響余自攜伎蠟燭燒殘石季倫

李民安置酒北園同令弟蒼助徐筠拂贈詩餞別賦謝用來韻

園裏青山山外城來遊累月去關情紅隨秋盡林無葉黃涉冬殘

菊有英苔石坐移隨酒興松濤聽久帶茶聲清宵終讌河梁別心

逐江湖送我行

雁字次韻

筆挾風霜寫素秋森然快劍挺銀鈎書空畫破青天色織錦傳來

紫塞愁帛寄上林辭喋喋蘆銜斑管路悠悠馮君題就凌雲榜應

笑韋將易白頭

其二

字字修蛇縮九秋迎霜飛白戲雙鉤衡陽露布天應笑銀海燒書  
鬼欲愁萬里路長行整整五雲箋破恨悠悠注經一畫窮玄埋鳥  
似池魚種墨頭

小集花下送錢湘靈之江寧次黃艾菴韻

一尊醴酒愴臨歧別向花前識歲時為教豚兒名犬子見戌課成

雛鳳起長離長君舉鄉榜書拋奇字無從問飯遺青精為阿誰丹訣若

能傳姹女自迎桃葉舞楊枝

其二

夜飲厭厭北斗橫串珠歌咽送君行嗚烏府冷存交道羅雀門空

少宦情令弟副都建業江平盈一水曲阿岡斷計常程風流二老

書來往底事魂消班馬鳴

脾病簡諸子遲病少閒續舉文讌

洞下中虛骨髓乾長籌遺矢未加餐閭河桂得應難老上黨稜空  
悔去官論語易加年數注琵琶箏出月中彈草生書帶遺經在後  
死終期續杏壇

次前韻答諸公見和之作示湘靈

洗耳微泉凍不乾頽齡秋菊秀堪餐十年老病支離叟一壑歸休

拓落官木葉衣從山獸繞黃金冠為貢公彈鍊師祕授彭錢訣願

向玄都禮石壇錢係潘鍊師弟子將從問道

又有感次韻答毛同年卓人毛歷官學正縣令

十歲葡萄甕已乾秦俗一盤苜蓿照晨餐雙成許我朝王母毛女

攜君拜衛官毛好道酒裏解從文字飲琴中誰續鳳凰彈青袍黃綬

終何事對執霓旌上醮壇

又次韻答史同年庸菴歸自廣東紹慶府太守

蘭陵美酒十巡乾南食歸來定飽餐湖水沈香非墨吏鬱林廉石

勝鹽官貧無藥價囊中澀直有冠名柱後彈象郡夜郎消息近為

詢飛將孰登壇

又次韻送十六姪舜民之京

拔劍擔書雙淚乾出門水宿更風餐竹林從我陳三策尺檄思親

就一官易水貸錢非忘去聲報王門抱瑟莫輕彈雄文客薦甘泉賦

玉女蛾眉斂泰壇鄉先生有欲薦之應願問者姪力辭

楊大將軍元凱從華亭送雄鶴一隻賦謝

華亭清唳九天聞翦翮開籠對馬軍阮引三更常警露心空萬里

欲凌雲辭榮免使軒墀戰招隱休移蕙帳文嫁與鶴妻將鶴子丹

成紫府不離羣家蓄雌鶴一

其二

山家飲啄似仙家卻避鑪煙為煮茶魚供墨頭支月俸飯蒸青飶

養丹砂奇毛雙舞如揮劍一足常拳欲捕蛇徐步自能知進退帝

鄉岑寂遠臨霞

雪後

涼氣中宵襲破扉清光蚤起透重幃斑駁凍蹠猶澀皓鶴言寒

羽不飛竹葉亞松青瀉白梅花帶石瘦添肥微泉注玉銀沙裏冰

下潛魚動釣磯

立春二次前韻

向曉條風動掩扉輕寒吹面入羅幃老人星下甘南竄歸雁天邊

故北飛入口不須愁凜冽五陵奚復羨輕肥薊門春到無燕草好

戀冰苔坐石磯

除夕三次前韻

歸田高臥掩荆扉枕上閒雲宿薛幃精舍十年規自築子以己應西還家

天八翼夢休飛同寮考功一等七人某某皆登八座抱孫老子應蘭茁子婦新禪伴正癩月

佳人似瓠肥箋注遺經多歲月墨頭魚躍舊漁磯

其二四次前韻

電笑三時玉女扉魂招九逝返翡翠憂天已見妖星落避地還防

海水飛一把骨宜騎鶴瘦百年身豈食熊肥上流先保江南障莫



泣毛人黃鵠磯荆襄用師

其三五次前韻

春前細草吐山扉春半名花卷錦幃三徑無人能草綠百年漸老怕花飛顏從病後由他削家自忘來豈羨肥除目不須看黜陟波濤宦海激驚磯

己未元旦六次前韻

朝東難定掩風扉日暖紗窗冷鳳幃柳色新年鶯未至梅花隔歲蜨將飛影堂宛宛妻原瘦冰沼亭亭鶴不肥老去詩人無箇伴鴛鴦隻立釣魚磯王建云再經婚娶尚單身似子老鱗

其二七次前韻

山泉一枕鎖郊扉肯溷椒蘭初佩幃馬已借人彌懶出楊吉士借馬贈之鶴還依主不高飛少年取貌今垂老瘦筆臨書世貴肥成趣小園經日涉山紋泉脈長苔磯閉戶入次前韻

高臥常支白板扉手栽蘭蕙漸充幃南枝花暖蜂相見北極雲深雁早飛貧減餘糧憐鶴瘦病虛俊味羨魚肥避人如鬼深埋照不用然犀牛渚磯

送錢湘靈之江寧鄧氏九次前韻

龍護仙壇鳳掩扉杜蘭香降蕙香幃錢自言得天姥丹訣得臣酒醉令尻背錢四子饗帝羹殘試鶴飛詩苦怪予吟太瘦道成知爾水生肥人傳一業多門下共昇籃輿燕子磯鄧公多男錢醉每躡

漢庭

漢庭巧宦玦為環拙疾休官扣九關何事苦吟添白髮幸霑微祿買青山階庭蘭玉生初茁箋注蟲魚字可刪一臥十年今老矣莫將名姓落人間

次前韻

先皇從諫轉如環幄殿呼來夜上關庚子十二月子夜救侍衛送歸邸舍石孽自甘沈楚水鼎成空望墜荆山黃金盡散何須作佐音白髮無根

不可刪見說立談皆富貴終愁妻妾泣墮閒  
春日池上三次前韻

拳石爲山斗水環狀流流入白雲關水分活處源頭水山鑿飛來  
第一山疏竹閒栽萌自補名花新買葉須刪春潭影落窗峰翠魚  
樂誰知濠濮閒

張鑑邀管月衣小飲奉和原韻

微泉帶雨泮冰池老困拋書懶下帷阜帽且充陶漉酒葉衣更演  
鄭箋詩驚看火樹春生處高照梅花夜放時藥擣天香堪紉佩結  
交此木最相思遺子桂花香餅

青墩荷花

墩來屬我草成窠綠水周遭盡種荷翠蓋風搖誰作音柱紅衣日

炙自淩波凝香冉冉蒸尊酒嬌語盈盈豔綺羅開到秋池堪聽雨

阿咸歸後子應多舜民姪方遠游

紅梅閣九日杏花同舜民姪和龔瑯琊韻

倚雲栽向日邊來仙樹非時頃刻開祇訝聞砧催絳葉翻令北客

認紅梅姪舜民云王荆公紅梅詩北人渾不識認作杏花看風高羯鼓聲中放夜永金刀手

裏裁還是道人殷七七施朱近墨斗河魁諸公禮斗閣中

其二

帝車無位不逢時姪舜民云王勃夫子廟堂記帝車南指遞七曜

出人當儒服山中老桂枝一日白紅從馬後十洲花木耐霜欺丹鑪

煉藥呼童守道記燒香獨自披秦嶺藍關聯數朵龍頭豕腹句爭

奇

其三

苑外江頭盡一哀寺門零落每徘徊玉樓爛醉花如笑樗社支離

木不材菖葉千村邀牧笛蓬山五色訪仙臺悲秋卻喜留春住繫

此西飛白日頽

其四

齋期何肉錯烹鮮且坐枯禪且學仙蓮性空聞飯八十桃魂又見

葬三千栽桑填海休東注鍊石回天莫左旋送我春秋花不歇花  
開花落坐瓊筵

其五

笑靨不成傾齒鬢煙欲溼記前身有情妖木遭淪謫無語拈花  
悟夙因二月香飄金埒馬九秋寒奈蕊珠人丹成仙果垂冬實爛  
熨春來非我春

波斯香圓

次韻

歲寒碩果洞庭秋海外移根過嶺頭香圓佛指同產龍洲金彈團圓那足擬  
霜皮臃腫漸堪收堆盤數顆高于案文室凝香小似舟佛指包來  
同錫貢只愁海蜃結飛樓

其二

鉤緣落實類瓜壺月窟巉巖逐賈胡黃縷錢文如幕面青團飲器  
似頭顱眩人多術非難致漢使西來曾見無白肉曼膚崖蜜潰老  
夫關鬲氣全蘇

其三

爲良遷地向通都礪硯垂垂似跋胡鳥卵並陳殊眇小蒲萄同獻  
未羈孤蜀柑三寸齊登俎鄧橘千頭共食租帶葉翦來憐並蒂一  
雙走置錦屠蘇

鶴革毛拾爲拂枋以湘竹筆管

次湘靈韻

羽衣池上舞翩躚夕夢橫江掠客船遼海復歸留委蛻管城垂老  
學飛仙休誇玉麈連膚白盡逐樊蠅點去聲草玄鼓瑟詩成渾漫與  
攤書引睡腹便便

其二

洞庭風雨影翩躚砍取應逢秦帝船誰截孫枝貽上將難消血淚  
遇蘇仙化龍慎莫隨筇杖顧兔猶堪寫蜀箋白鳥赤頭俱遁跡捉  
宜紅拂更娟便



其三

天威按劍士如林束手丹青置赤心南詔無庸寬七縱交河竟未  
報生擒葡萄釀久開高宴桑椹甜能變好音半壁血流憂不細蠻  
煙淫毒五溪深

三醉芙蓉

虎邱顧云  
美池上

祝融少昊令相參草木陰陽變必三初歇素靈天厭熱盡持赤幟  
戰方酣葡萄夜飲斟瑤爵琥珀朝眠映枕函白雪丹砂成九轉女  
冠休戀鳳凰簪

其二

冰去聲雪肌膚醜露華晝眠紅印日將斜扶頭半醉何郎粉染骨成  
殷秦女砂花號拒霜那變色影臨秋水欲蒸霞一廚妙手通靈畫  
白白朱朱頃刻花

微泉閣前三醉芙蓉一本次前韻

施朱傅粉兩相參嬈嬈婷婷可十三鏡裏曉妝渾是淡杯中卯酒

漸成酣避行暮雨施丹的殘夢梨雲帶枕函仔細看花疑霧裏頻  
搔短髮不勝簪

其二

誰染名花紅素參深成五入淺成三薄施鉛粉朝雲笑睡損胭脂  
午夢酣裳集水田招楚厲血埋銀甲漬燕函白人折與旋非白一  
片朱霞瑪瑙簪

青墩叢桂發花舜民姪招同錢湘靈顧露生游宴余宿留次前韻  
秋光濃淡半相參樂飲親朋爵過三桂樹叢生招共隱竹林游宴  
興俱酣花迷金粟霑衣袖雲臥天香到枕函愛此郊扉頻信宿一  
邱不負蚤抽簪

其二

人散花陰醉二參留髮待月影成三竹風入夜蟲吟亂松雨來朝  
蟻戰酣次早錢貫僅盈扶老杖以百錢詩囊還貯諫書函歌詞自  
作音歌聲誤暗點龍鍾竹節簪

虎邱寓樓晴雪三首

日華穿漏碧雲閒雪色多應到百蠻白獸失鮮迷海屋燭龍銜耀  
照崑山瀉殘松葉偏宜冷錯認梅花不可攀看婢為山霑利屣呼  
童埽地沒松關

其二

雲陰寒擁西山翠塔影孤懸北斗殷池臥玉龍終不躍石成蒼壁  
未全頑巡簷冰柱垂鶯管汲井凌澌佩象環虎踞祇應迷伯氣鶴  
歸不覺向人間

其三

彩鷁敲冰起白鷗斑駝東進蹒跚羲和轡輶魚鱗瓦玉女峰梳  
螺黛鬢日吐半山山吐寺雪埋古寺寺埋山上頭更欲披裘上薄  
暮生寒且掩關

九日尋龔瑯琊寶實姪於紅梅閣 六次前韻

游仙離立往相參九月九如三月三黃菊花邊尋暮雨紅梅閣下

象朝酣南金取酒空千鎰北雁沈書斷一函舊摘異人遺我老少

原思婦哭亡簪

李御史至 七次前韻

卿月應升貴設參那逢九死事生三節旄懷裏圍潛脫射虎田閒  
飲半酣忌諱誰能容揖客狂言同憶笑開函曾彈解薦冠相慶爾  
我無慙白筆簪

虎邱老僧煮茶 八次前韻

排巖古木與天參緣澗名泉品第三 三泉亭 吳子歌臺嗟寂寞趙州  
茶椀覺清酣石頭長似聽經梵地下何須葬劒函行樂彥回稱賞  
地舊游十載早投簪

曉雪 九次前韻

撒鹽飛絮漫譏參 姪舜民云公羊傳參譏 為喜豐年白有三失道將軍鞍欲  
沒滿山高士睡方酣微酡卯酒當狐腋索祭寅戶授杖函 姪舜民云蜡祭  
伊耆氏共杖械鄭注械作 半壓黃梅禁冷蕊帶冰先上碧蟲簪  
函蘇氏曰貓虎為之尸

為錢子燕穀悼亡

張氏董彌甥  
次錢湘靈韻

絃折鸞膠琴瑟橫  
夫妻貧賤感文情  
人閒緩帶空祈子  
天上張星  
謫下生贖緩尊章  
搜百兩急醫區營贖  
營莫悲俱妄耐  
廟先靈作雉羹

其二

食啖糟糠日擣齏  
嗟厨觴客自蒸黎  
望夫奇翼華亭鶴  
錢子讀書  
雲間歸而  
婦別婦離聲  
函谷雞魂氣所之  
還夢鹿幽冥  
再見欲然犀  
平生鏡裏蛾眉斂  
不為枝閒謝豹啼

壽黃艾菴同年次其豫慶韻

名山歲月鬢如銀  
家有傳經不患貧  
天祿偽書蒙醬瓿  
姪舜民云  
吳人王逢

其二

不貪安用識金銀  
薄宦無成自食貧  
村遶石田難種稻  
溪臨草閣

好垂綸鷗來爭席  
機渾忘去聲鶴苦無糧  
老自馴酌取清漣堪介壽  
爾庭何必有懸鵲

其三

卸來約指一雙銀  
換米晨炊病匪貧  
鈴索玉堂宜著作  
書籤芸閣  
卷彌綸把君佳句多  
流麗過我論文重  
雅馴年少五陵貂  
不足退然衣  
敝只如鶉黃退然如  
不勝衣

其四

莫作音黃金鍊水銀  
不求富貴不憂貧  
青山偕隱雙飛翼  
白首為郎五兩綸  
雲物鵷行知共望  
江湖鷗侶詎能馴  
即看甲子過於亥  
星火賁賁味是鶉黃去年十月至日  
舟中賦詩豫慶

錢湘靈七十

與君把臂自丁年  
魁首鄉書壽入千  
湘瑟吟成愁帝女  
雉羹斟就  
饗神仙鳳毛令子歸  
池上龍種諸孫著  
邾前錢亮工云吳越王常  
不睡五臺山僧云浙  
龍也  
烏目山中元福地  
香桃巨棗列長筵

其二

米乞音氣下同佳文錢乞詩酒攜蓮社肉如坻錦襜前佛今居士絳帳諸生老講師納土王孫空往事主盟宗袞不同時尚書壁經九十猶能授皓首從君更下帷

辛酉元旦微雪晚晴

應接精神喪靜便平聲老夫歲始日高眠辛盤紫葢供齋日夜飲屠蘇帶隔年欲雪干戈占殺氣量晴農圃望青天扶衰命藥多逋價方悔為官不愛錢

梅閒雙蝶因思宋人粉蝶如知合斷魂之句未工

春遲二月正梅開蛺蝶穿花攪落梅曉夢東園逢趙后貞魂新粉退韓臺壽陽妝畔翩翩戲翠羽枝閒栩栩迴冷蕊不須矜獨笑隨風句引是良媒

臨砌杜鵑和箋字韻

善卷平聲花老不知年種自宜興善卷寺一本移來直十千也被鳥名呼蜀

魂還如血淚染湘箋名竹祇添內熱丹心裏卻駐童顏白髮前試問

何人偏妒殺石榴裙衩繡留仙

喫楊梅口號

光福山家山是田楊梅熟後不論錢水晶鹽蘸星星綻白玉盤堆顆顆圓樹底拾來疑紫石澗中落處爛紅泉北人欲喫君家果酒浸糖熬直到燕

七夕

妾知夜渡盼佳期郎是經星信不移一葉微雲迎鵲駕半梳新月鬪蛾眉衾猶織錦梭來織枕用支機石自支惱我玉清消息斷再無靈巧比紅兒姬婢死略盡

嚴御史見過因話李御史

德星家世盡名流龍鳳推君號最優簾肆與言原孝弟承明不厭說春秋薦冠觸處無贏角烏府生時有白頭副都御史公一領青袍曾伯仲山中上我華陽樓



其二

炎涼交態雨翻雲猶認門生有數君節禿歸來典屬國馬騰生致  
李將軍堂中未對一卮酒嚴李相過俱未宴食篋裏爭傳修竹文鳴鼓何須  
揮不屑請看房杜出河汾

見吳氏廢園薪雙桂海棠根皆十圍

學士焚魚把釣竿歸來不著鷓鴣冠吳公廷杖罷官歸為園驅將錦石營邱

壑買得名花滿藥欄桂子秋風金粟綻海棠春雨紫絲殘平泉一

木無尋處樵爨扁舟正倚灘

其二

難移嘉卉屈蟠根黔突烘薪熟簋飧丹穴猶能持寡婦園主向有健婦守之

家垣須得遺去聲賢孫燒殘蠟燭花鈿落斫卻蟾宮玉斧痕風月自

來庭樹盡更無香影度黃昏

賓實姪五十三舉子

麒麟抱送卜仙曹卜筮玉皇閣御而任遙集生來接豕牢度朔蟠桃初結

子丹山老鳳有奇毛嗾知英物書堪與名取充閭戶自高玉果犀

錢無所進竹林圓坐醉醇醪

湘靈兩次前韻因再和一首

孰是能詩何水曹喜聞樛木唱同牢藍田種玉逢雙璧滄海生珠

慰二毛添得參龍丁易壯和成斟雉曲彌高十年曰幼知宗老末

坐長筵進濁醪此子十一歲則余七十

王獻甫七十壽

古稀七十又添籌年少相逢鬢易秋花錦纏頭春社醪衣冠抵掌

看場周跳演公卿結鞶張廷尉子母相權千戶侯我亦泥塗如絳

縣從君人世問丹邱

誦箒上人能詩惠我波斯香圓

鬚眉猶照本來顏留紺髮犀顛刀下刪貝葉經翻黃葉寺浮雲身

寄白雲關湯休有句因湘水支遁無錢買越山佛果西方大秦國

香光圓滿起子頑

祖吏部生日

使君佳政滿吳中國士家聲遼海東養馬封侯餘部曲歌魚食客  
盡英雄陂云黃鵠成渠白督開孟河歲過金雞發粟紅振自著先  
鞭憑擊楫三杯江水當呼嵩

壬戌元旦五首

甲子初周六十春山林垂老葛天民黑頭去國方如漆斑鬢頻年

總似銀屏在泥塗甘絳縣偶逢碁局誤仙人焚餘諫草風霜字雨

露雷霆乍一身庚子十二月上疏鼎成二月奉旨切責疏草

久不存篋中昨始得

其二

十五年中寂寞鄉己酉竹齋花嶼讀書牀誰能懷刺投官府也懶

焚香禮玉皇老去文章才欲盡春來梅柳興偏長道南謁廟還衣

繡祖廟在笑指神羊是白羊

其三

歲朝風日暖窗紗晚起開樽候物華臘味昔成需柏葉玄枵春早  
覓梅花立春朔氣辛盤薤白齋廚儉子夜雞鳴馬齒加下壽小年  
開口笑吾生善養本無涯

其四

老眼鰥鰥憶鼓盆貽謀所喜大吾門酒巡藍尾思三婦前喪錫餒

膠牙弄兩孫近得鞭得聰明教論語椒成銘頌薦盤飧天方委蛻

人方寢也莫勞心莫斷魂

其五

露布西南盡洗兵東風鄴闡賀朝正一傳藏壘休稱帝萬里馳頭

詎見橫盜藉牧羊官上苑急宜歸馬飲昆明普天耕鑿無征戰歲

酒年年享太平

鄧尉梅花時同李書雲

三四五枝標冷豔百千萬樹普氤氳香聞佛土梅檀氣白望仙山

鳥獸羣柳絮難方庭下雪梨花略似夢中雲凌風卻月多詩興春

色江南折贈君

其二

空聞東閣說維揚庾嶺何須枉斷腸鄧尉峰前雲共白虎山橋外  
水俱香雪中蕊帶幽人冷春半花令舉國狂健步急觴須不惜莫  
教風雨葬夷光

其三

枝枝破臘開南國片片流春下五湖一派香風盈十里未銷冰雪  
動千株水懸明鏡臨妝額山擁長門謝賜珠移種百花洲第一還  
須作賦補吳都

同年毛補菴屬和唐人李紳蘭陵建元寺寒食詩

蕭郎南里占蘭陵寒食東郊好踏青蠟燭暮煙傳火騎浮屠古寺  
講金經旌田罔報龍蛇歎織錦何關鳥獸形陳跡霸圖多舊事詩  
追短李獻彤廷

端午次前一日聯句韻

時清不畏水中龍細葛宮衣自九重蕩槩歌來人歛乃杖藜老去  
我形容柳邊露溼朱團扇花外風傳長樂鐘眼裏太平笳鼓競江  
湖白髮憶遭逢

又簡楊編修芝田限藜字

日午舟迴影易西香餘一水白雲迷燭龍跋棄金蓮炬火鳳光分  
太乙藜奇字載來常在腹玉杯乾後也如泥編修相約呼龍舟乘  
酒各成  
燭夜渡不果旋餉子

題玄墓寺壁

獨壓五湖山上寺化城湧出青芙蓉平吞三萬六千頃俯視七十  
有二峰直到湖南誰見岸昨來山北但聞鐘昔游重到今頭白往  
事陳陳閱古松

秋日同錢子燕穀泛舟白蕩尋菊吳大聲蒹葭莊醉歸吳贈花索

書

南郭年年泛釣磯每逢時菊耀芳菲侵凌霜色迎寒雁爛熳秋光

送落暉紅袖內家扶紫袖白衣宰相扈黃衣瓦盆滿載虛舟實花  
逐遊人共醉歸

其二

人驚雙鬢全無綠花愛清秋又有黃分得名園三四種還須爛醉  
百千觴青錢不費求書換白墮初成送酒嘗爲制頽齡扶我老飲  
君溪水壽彌長

對菊籌燈小飲

花花葉葉各相當迴首花叢老眼狂茶火望中分結陣鴛鴦列處  
自成行宮中第一推長白殿上尊嚴拱赭黃陶令羅合那有此肯  
將富貴讓天香

其二

大赤餘分齊紫閨鶴翎還較鳳毛奇濯根錦水元名蜀傾國西村  
也姓施花當綵毬繁似纈瓣尖芒刺利如錐各種菊名先生史筆修花  
譜管領秋英定幾枝

其三

沈檀火底晚催妝鳳脰燈前舞影長素壁一叢成五采東籬小摘  
帶輕香瓊筵燭滅防纓絕斗帳珠來皎夜光倒映花枝桑落酒菊  
溪好舉萬年觴

蠟梅

楊芝田次錢尚書韻  
余屬和一章得二首

塗金屋貯此花身道帔妝成迴出塵檀口半開先破臘黃芽內轉  
證長春蜜脾若得何須釀官額初看欲亂眞蓓蕾一丸書鄭重折  
枝遙附隴頭人

其二

鍊得金容丈六身雪山高處玉爲塵黃留正色還含紫土玉窮冬  
已逗春病葉秋深疑早發色絲翦出看如眞金波穆穆渾無影月  
裏寒香暗惱人

楊按察之官贈以一鶴

學舞充君階下禽養成奇翼發奇音兄唬胎化雛先大余蓄二鶴  
每將雛則

逐其子和聲聞象在陰為壽兼宜千歲鹿到官還有一張琴揚雲  
今日堪分俸飽食魚糧勝故林

諸公和范成大甲子元旦詩見示有作

當年慵聽早朝雞走馬蘭臺馬介倪藍尾一杯猶伏枕白頭千卷  
待然藜雁聲南極將歸北柳色東風盡向西方外游餘閒歲月人  
閒世必有町畦

其二

先皇問夜每求衣十八年中物累炊髦馬左官歸已決戊申攀龍乞歸

望帝一何遲庚子六月考授召見長安日近猶餘愛窮巷風和只守雌

萬國朝正車晚出蒼梧血淚斷腸詩辛丑元旦未御朝

其三

上元甲子太平時曼衍魚龍張去聲水嬉文煥龍圖編徑尺筆樵鳳

翥退千枝香薰宸翰驚天縱米芾一帖云元旦焚香臨唐文皇書真者在扇索臣

書忝主知事見壬戌除夕行鞭得聰明勤映讀王成武闡奏對上問驥為人何如廷臣對曰邇年

在家頗能讀書合來黠體半於癡

其四

投老長貧自灑然當車當肉謝王前田荒新歲占豐歲裘弊多年  
望煥年載酒客非題鳳客看囊錢是賣文錢似馮佞佛禳淪謫朔  
日清齋玉版禪

其五

春早江南正月天春生林下去寅緣光風轉蕙當風帶餘雪妝梅  
鬻雪氈陶令籃輿昇自致時方病足嵇康鍛竈暖堪眠屠蘇後飲開涓  
滴佳日徐傾藥玉船

其六

壚憶黃公老淚沾催詩刻燭夜厭厭憶與龔尚書夜飲唱和輸他獸錦文才  
妙笑我青袍吏隱兼辛菜盤羅嘗厲爽傳柑節近擘酸甜獨斟歲  
酒河山邈人日詩緡五色籤

其七

隔歲寒爐楮枯煨霜威無復假烏臺疏簾東面春初捲冷蕊南枝  
暖半開不是微官輕五斗敢云高臥缺三台歸來日涉爲園趣花  
木成圍盡手栽

其八

孤鴻霜落憶同棲獨樹風摧連理枝仙籍浪傳來世語伎衣散盡  
悼亡詩影堂面識春風裏靈柩魂歸夜月時經卷藥爐情所止莫  
令心事近彈碁亡婦俱未寔

其九

合殿香飄煙霧馥丁丁晝漏逐朝暉尊開白獸誰能飲冠挂神羊  
我獨歸九曲坂迴知稅駕數行書奏蹈危機朝眠已謝侵晨客發  
口春禽說是非

其十

橙字沈約韻庚通蒸

黃金能作見誰曾白石何如煮剡籐賣字自給所少補羸須紫桂敢希  
食肉壓霜橙日暄芸閣書乾蠹風暖窗紗硯釋冰餘事詩成高枕

上揮毫落紙剔青燈

奉送余左都

新綸趣召畫熊幡朝夕烏來井有源薇省柏臺聲益著歷官三公給事

亞相位同尊漢廷更珮黃金印吏舍知鄰張去聲飲園公用清靜爲

平陽入相朝退從容詢側陋散人寧敢望干門

九日小樓諸子看菊

七層塔影迎樓挂百尺樓窗向塔開塔帶遊人風側帽樓連坐客  
菊當杯此花每爲添長壽有酒何須送舊醅但得年年花下酒賜  
萸應望一枝來

上甘露寺題其閣曰江來因書所見

南徐城郭近芒鞋北顧樓臺枕水涯萬里江山來隱几三分割據

俯磨厓閣臨厓下有孫劉很石金椎築道盤高嶺時方治道蕭斧尋柯爨古槐二

十七年經百戰余戊戌年寓寺中逍遙虎旅斫生柴

瘞鶴

赤晴胎化壽千年不到層城到九泉荒草土中埋玉樹白雲天上  
葬神仙在陰養子鳴誰和嬾舞羈雌足獨拳央得元黃爲瘞卓銘  
辭聊足表芝田

寡鶴

月明獨叫斷魂歸千載難期丁令威鳥過似聞聽側頂竹敲驚破  
夢雙飛雛成履道貽東閣妻伴孤山臥少微悵望不來生死別鴛  
鴦錦翼睡苔磯

逸鶴

鶴子飛飛日幾迴今朝飛去不飛來白雲古渡栖漁笱青鳥要歸  
引壽杯飛集白雲渡鄰家主婦收以上壽寵眷故應同衛國仙禽從此隔蓬萊顧  
子亭畔多閒放閉汝籠中肯浪開

諸公有和者再次前韻

瘞鶴

來添口數已多年俯啄蛇蟲仰飲泉詎信身輕還委蛻乍疑羽化  
遂登仙舞傾吳市墳三尺銘勒華陽石一拳尸解定隨緱嶺過東

飛滄海看桑田

其二 寡鶴

華表千年夜不歸共誰立雪訝寒威試騎一隻求仙去追憶雙栖  
引子飛宿對素娥愁玉宇喚驚思婦夢金微羽毛憔悴髡丹頂營  
奠銜魚祭釣磯

其三 逸鶴

山人放鶴暮知迴識路將雛自去來不玩凌霄惟愛馬爭先飛錫  
莫浮杯飛集僧寺復歸豪家誤落遭籠檻荒徑還思步草萊啄得冰桃歸  
故主窺園仙果也花開

小樓望晴雪

朝光驚我披裘起積雪凝華晃太空銀闕東連三島白瑤池西映  
六朝紅漸看木介銷兵氣稍喜梅妝卸后宮何處長安雲漏日望  
京樓上倚衰翁

乙丑元旦拈得百年再遇歲朝春遙同錢湘靈

百年再遇歲朝春乙丑前元是戊辰天下已分來稷慎蜀王焉託  
始宮鄰兩回省卻天多事十數初教我六身亥癸生甲子須臾人閱  
世大書時月待麒麟

其二

百年再遇歲朝春去國還家鬢漸銀己酉籍駢角鳳毛同父子甲子次子  
生龍胡馬齒舊君臣十月廿八接世廟十七年臣拜官御史今年甲子  
鶴將梅雪爭三白酒與風花供去聲一身如此春光幾十度薄田老  
屋未全貧

錢寄示遙和詩復和二首

百年再遇歲朝春碩果君先我後塵敢謂英雄惟二妙自嫌詩筆  
未兼人君生丹穴多奇翼長郎公車過我我脫青袍早乞身莫歎功名殊  
厚薄淒淒長笛在南鄰虞邑錢同年二人皆沒吾同年沒者數十人

其二

百年再遇歲朝春烏目山中昔問津相訂拂水覓春拂水桃花隄上女錢尚

書山莊入景詩序謂之小蘇隄向湖楊柳宅邊人致身福地源彭祖錢係錢後人迷路

天台遡玉真王辰虞山記遇來往風流成二老舊游花柳莫霑巾

雪後微泉橋其上

六出花飄銀漢津冰池流入共生春池塘含綠萌芳草冰縫穿紅  
透錦鱗日脚射時波渙渙泉根動處石粼粼玉龍橋蛻青龍見臥  
聽風雷起數旬

雪銷

藍田浪說暖生煙圭不成方璧不圓師子漬來空上苑韓盧吠後  
靜南天青要無復施鉛粉半面還將卸玉鈿借力東風梅戰勝爭  
春蚤占百花先

其二

長安日下雪中春寶出形鹽甕出銀鳩鵲觀殘留玉樹鴛鴦瓦溼  
鏤金鱗琉璃黃屋錦裘爭獵長生兔駝褐猶懸百結鶉記得謝娘能詠  
絮擁鑪燂酒不知貧亡婦元夕值雪詩只緣盤月交相妒故遣紛紛雪解圍



不寐

甲子再過同庶老庚申未及守仙翁鰥厥見三更月謾謾愁聞  
五夜風盍旦更憎烏臼鳥司南如報扣頭蟲少年每謝侵辰客羅  
洞紅輪蝶夢中

春鳥

春夢五更驚我覺春風百轉洩天機天應有命司喉舌我已無心  
聽是非言語稍偷鸚鵡巧句轉終厭鷓鴣飛過時發口占新句指  
佞生廷笑繡衣

細雨

青蘋漸起放顛風細雨如絲散颺空老屋未愁漂古瓦小絃先自  
緩焦桐夜生草色抽心綠曉溼花枝注口紅露灑何人渾不覺蓑  
衣箬笠釣魚翁

春雪次東坡韻

玉女妝成苦太纖嫁歸青帝濟寬嚴富兒遊屐遲花鳥窮老行廚

佐米鹽

歷官巡倉巡鹽

寒鳥因依讒播

去聲

舌梅花低壓笑巡簷樓頭酒盞

時飛墜蕭寺銀砂見塔尖

城東蕭梁建元寺塔

其二

霰飛還帶雨廉纖戰退寒威酒令嚴秦女臺前雲母粉梁王杯裏  
水精鹽鴟頭瓦溼融華屋鶯管冰垂滴步簷滿地梨花昏醉眼甕  
邊睡倒畢頭尖

春寒

春風料峭怯衣單雲凍蒼龍自屈盤炭熾烏銀官送暖褐顛紫鳳  
女號寒梅禁笑口那堪拗柳效顰眉不耐看日午未開東向戶押  
簾銀蒜打闌干

負暄

日絲繁散杏梁初驚起披裘下廣除背上曝時堪謁帝腹中曬處  
好藏書柳偏東面多添綫梅向南枝蚤弄珠仰照太陽人與物凍  
皴手腳得微舒

巡檐共索梅花笑

銷盡爭春雪已無東風送喜一胡盧何人莫逆還相視有我為鄰  
亦不孤漫學孫娘愁齟齬不須玉女共投壺千金百萬無錢買鐵  
石偏能伴老夫

夜雨

不眠聽雨五更時昨夜寒梅放幾枝何似百花甘落後幸而半樹  
尚開遲黃昏埋玉留青冢清水餘香葬濁泥老去風情渾減盡只  
愁春色發狂癡

檀香梅

仙樹移根到世閒道人相對自神閒香心未上蜂鬚蜜檀口如嫌  
鳩舌蠻卻月觀明微月夜壽陽妝映夕陽山輕塗漢殿金銅色濃  
抹翻能掩玉顏

歸鶴

楚弓誰得等亡書衛鶴終當返隱居慣曳僮衣猶似昔長鳴子和

遂如初

雌鶴其母

還添家口分糧料但少侯門每食魚徐步舊池矜舞

影樊籠相較意何如

鄰家在篋

至松江弔同年張子美

海波清晏洗乾坤磨劔江城江水渾馬糞堪名新貴里燕泥尙認  
舊朱門邑中駐兵九峰山舍藏書卷三泖湖船泛酒樽我友秋風歸隱  
處一聲鄰笛欲消魂

贈許翰林同年吾宗閩石蒼水兄弟

華亭海鶴遠冲霄塵輭東華厭市朝江水萼絲鱸膾膩茸城麥浪  
雉媒驕名山太史書千卷夜雨賢人酒一瓢北阮莫憂貧子姪分  
金許掾定能燒

坐闌石齋為予置酒

城中甲第皆為官屋此齋猶祖居齋中有松

一區城市子雲居風雨先人有敝廬孔雀孤松猶愛樹玉杯千卷  
是遺書堂空文靖無飛燕第下公孫竟牧豬婦織流黃兒舞象翁  
來取酒鱸鱸魚

缸中白蓮

綠萼錦邊

愛弄荷珠莫涉江炎天冷豔倚南窗田田葉易迷瓊蕊朗朗花宜  
映玉缸越女采來渾一色謫仙身後遂無雙紅蕖隔水羞相見照  
影低頭自乞降

其二

玉井移根十丈花如船藕節細抽芽冰姿發出如持鉢碧色分開  
似破瓜羽化霓裳飄夜月錦紕姪舜民云紕音埤緣邊也道帔染朝霞肌膚冰  
去雪真仙種卻駐童顏句漏砂

其三

初疑傅粉白紛紛又訝施朱入口紋玉女笑時呈貝齒程姬避月  
洗羅裙能為赤帝消炎火定是司花翦素雲重瓣綠房紅點注東  
林社裏挹清芬

其四

香泥斗水上生肥不染亭亭立玉肌日出籠煙紅映肉月中承露

冷侵衣黃蜂蜜割凝香食

崖蜜貴白

白燕泥銜墜粉飛除卻瑤池難覓

句也應雪裏畫依稀

暉南田繪圖

玉蘭秋花

王者香名同楚客女郎花字老秋娘可憐玉樹吹烏帽花蕊有甲開則先折  
俗名採帽卻笑辛夷閉紫房獨向霜天簪白筆原來月地舞霓裳桂叢  
已落芙蓉冷更發春葩殿晚芳

微泉閣詩集卷十一

微泉閣詩集卷十二  
五言排律  
賀許座主四十六韻

南國專司憲中朝選重臣政刑權並寄彈摘義應陳夫子官仍達  
 諸生宦獨貧及門齊有待開府信難真君命元無宿門人詎益親  
 一官羈絆後十載別離頻憶昔孤寒士叨先桃李春龍身騰博物  
 驥足騁方歎陸贄慙知己彭宣獨近人清歌聞絳帳沈醉吐車茵  
 丁卯詩家遠春秋儒術醇負牆時濟濟問字竟斷斷期我居先甲  
 投人忌席珍舉鄉借計吏觀國早充賓下第黃金盡還家白眼瞋  
 藤屨憐蹋翼升斗活窮鱗請粟丹陽尹從遊練水濱南宮旋賜被  
 彭澤只留巾行矣吳閫柳暄平京洛塵睽違如互避問訊苦無因  
 祇怪為郎久惟同宗伯寅之官家去近隱吏傳參循師內鄉人  
 羽西趨洛靈芝高避秦商山將老友楚水與清淪朝士誰推挽任商洛道白  
 徒少要津策賢書噩噩職散走駢駢治行當為最徵良自得伸節

勞方用竹臺大正稱銀封事收通政開函近貴嬪如何蟬嘒嘒徒  
作犬狺狺相以王門貴名從京兆新以通參轉宗人移官還仰  
聖華秩出親民不復揚清渭誰為秉國鈞提刑非副使觀察是時  
巡貪墨聞拋印旌麾遲隔旬難稽枉帆日奉待下車晨會面思難  
得愁腸惻莫申無錢居帝里索米餓長身憂餒官為鬼傷廉祿  
及鄰鳳遊臺貌龍尾道踈踈豈有觚稜夢毋傷北望神六朝春  
草醉十里柳煙嘖玉樹歌盈耳金陵酒入脣秦淮看舊月玄武采  
青蘋多暇延參佐公餘恣討論歡娛應有作早寄惠書紳

除夕憶幼子

小字太子

年盛先衰白形單念子孫兄弟無生男猶未晚無後乃為婚賤類相  
如字玄殊謝氏昆噉聲呱癸甲生時余以芽茁秀蘭蓀英物終能  
辨靈芝自有根肉肌如白雪眉目異孤豚嬉戲偏知早家庭不厭  
喧瑤環貧莫致文葆頗能溫勝父初生境蒙妻逮下恩子庶生煙  
堪種玉佩草自宜萱絡秀全宗祀枚臬侍至尊見爺天性識類祖

燕貽繁且得琴書主須高清白門小憐龍種瘦長見鳳毛翻水火  
應無恙劬勞莫憚煩別離能不念慧黠已堪論去歲熊祥入明朝  
霜鬢髮將雛如繞膝垂老共清尊暫隔江城棹還同北首轅慈恩  
仰母訓行步念渠奔銀印秋攜取明年八月始春鶯學語言年年霜露  
薦子立繼蘋蘩

孫翰林太翁太夫人雙壽

紫泥辭禁腋白髮在高堂十載曾供奉雙親稟義方椿萱相對茂  
蘭桂五枝芳子五甲子泥途異星辰婺女芒鷗袍宜鶴算象服錫龍  
章婦有夫從秩親猶子顯揚笏魚歡父母衣雉拜姑嫜終養頭猶  
黑知年鬢始蒼生辰孟夏節累月介春漿映日葵榴醉開樽荷芰  
香杯兼菖獨獻齒共五絲長鳳子餘春服龍孫初夏篁老鶯留碧  
樹雛燕語雕梁物候長如此人生福未央班衣萊子喜雲閣版輿  
康祿養俱能待歸田正得將千金更鼓舞萬石足銀黃再見君家  
美盃前史光作歌慙董邵生子羨孫郎

王兵備招觀紅石峽步石閒韻

絕塞橫駝嶺行廚帶馬羈短衣登處澀大酒坐來堅峽束微通夏  
河流遠入邊排巖雙劍竦春壑水珠濺厖激雷聲吼谿石勢妍  
赤城同赭赭白草異芊緜設險斯乘障頽沙絕種田時清百戰後  
奉使一官偏青兕裘行塞黃羊飫列筵拂廬多部落甌脫少烽煙  
將吏閒荒徼觀游俯碧川摩崖尋勒字暮色漸蒼然  
冀左都五十壽

聖代多賢佐如公孰與儔青雲卿相早黃髮子孫謀奕葉歌司直  
元臣詠壯猶水蒼鳴珮玉袞職補垂旒 帝簡登烏府丁年正黑  
頭廷爭惟謬謬風度自休休鳳羽羣龍閣 龍顏五鳳樓昌言聞  
獨座濬哲重旁求抗疏論三殿屯膏沛九州都吁分可否茹吐反  
剛柔執政誰推挽溫綸屢慰留眾芳紛蕙芷同器一薰猶隱吏援  
還止儲才計早周風霜緜大木繼述寶天球輪囷才逾老榮光氣  
欲淨慕容留與子周勃必安劉夙出

先皇鑒還蒙

少主麻弄茲青綬印補以白狐裘一月奚爲速三遷匪太優緇衣  
先介憤赤棒並垂鞴樹古仍青柏呵傳易絳騶芭蕉何蔽日鷹翻  
復高秋吾道終如矢平生肯似鉤致身丹檻在封事阜囊收蠲賦  
防中飽遺賢進好仇言勞旌閱網紀本薪標半百顛猶鬢三台  
舌與喉柏梁吟執吏江左用名流錦段文通貴蘭臺任昉游文章  
交有道膠漆本相投禮數懸曹地情愍效麥邱生申歌四嶽建子  
紀牽牛邦憲兼文武陽和藉噢咻德聞王錫命道泰 主恩酬昔  
有張丞相還餘百歲叟公其康玉體名已卜金甌

賈駕部山林朱將軍攜酒同過

嶺色向三徑名園鑿翠微四山排闥入一水落簷飛曠得延朝爽  
幽能接夕霏緣源停碧玉繞砌散珠璣沿越清溪曲攀躋峻路屏  
藥欄藏曲折步履想芳菲冬晚微含綠春榮定賜緋枯荷寒葺袂  
深竹色侵衣紫蒂梅猶噤黃楊葉未稀屈蟠槐偃蹇老大柏因依

巖竇明殘雪蘿軒暗落暉格兼藤爛熳苔帶石崔巍事事供高臥  
洋洋更樂飢地形樓漸迴泉脈土原肥寫鑑纓堪濯周榮髮可晞  
買花移物性爲圃卽天機來並將軍馬非關御史威到門題鳳字  
行炙脫金鞵絲竹山皆響庖廚澗遠違天高仙掌見風動舜絃揮  
插槿分鄰舍凭闌俯近畿絕塵青靄隔出岫白雲歸夜鶴常依帳  
孤松漸合圍中條看鹿跡河上坐漁磯以此入林是偏驚游宦非  
故園森在眼春老北山薇

乙巳除夕

到官淹歲暮歲暮有餘閒印澀和苔鎖城寒對雪關親朋聊永夕  
吟詠破愁顏時序明鐙裏行藏杯酒閒竹乾春欲動花放臘潛還  
汾水冰成片江天雲似鬢新年加白髮舊約負青山八口京華遠  
孤身病體孱長貧知婦歎失學任兒頑撩亂圍爐火離思望鏡環  
勞臣空役役遊宦自鰥鰥豸角何曾觸龍髯竟莫攀明年攜子臥  
無事點朝班

上吳尙書賡菴

舊學師天亶天心簡舊臣詩書五載治禮樂百年新白虎依甘露  
金華邇紫宸橫經書敬展講幄善敷陳金鶴衣香染山龍拂袖親  
西清勤丙夜東璧應星辰劔決鋒鐔怒書聞鈴索神充經筵講官琳瑯  
湘水上杞梓楚江濱舞羽騰三捷家書到七旬洞庭空汗漫井絡  
失嶙峋尙書楚人時楚蜀用兵彝陵奏捷請處囊中穎由來席上珍司空階類晉  
副相總仍秦落落髭如虎鬚鬚角是麟歷禮部工部尙書左都御史公美鬚髯秩宗  
今典禮夙夜乃維寅八柱終當軸三能仁秉鈞行師憑廟算發策  
謝平津常吉儲多士

先皇蚤樹人國工傳琬琰蟠木老輪囷華蓋絲綸閣蓬山桃李春

青藜然太乙駿骨相方甄北闈主考豈敢承明厭寧關侍從貧玉堂遙

引領金帶重垂紳補外第一徵高等無雙號絕倫資深經敷歷望迴

豈宮鄰內召刑部侍郎司寇羊休飲南臺龍逆鱗平反爭執法學問互諮

詢蕊榜皆兄弟瓊筵迭主賓尋花行並馬執策贈埋輪書畫相欣

賞詩文尚雅馴和歌燕市酒久緇洛京塵晝宿何遲滯星行正苦  
辛滹沱冰執手江漢月霑巾吳奔喪子左官遇于真定屢聽山陽笛同年王侍

亡彌甘千里尊猷偷吞楚蜀封豕食甌閩哀柝驚充耳傳烽迫病  
身還期調玉燭早不徒蒸薪啟沃維公等安危仰兆民鼓鼙思將

帥雨露荷松筠吳會無生棘荆南有大椿太平將獻頌早晚薦垂  
綸

冬至前四日雪十六韻

易文奇以法詩句正而葩七日來過半同雲瑞足誇愁吟髭閒白  
戲躡髻雙了直欲凋松柏偏能折葦葭冰霜凝戰血消長滯黃芽  
忍索梅妝笑難舒柳眼斜因形成拱璧結實照丹砂江國花如雪  
燕山雪作花黃屏司白獸宮樹點烏鴉朝滑尚書履遠膠流水車  
簷冰銀指甲木介玉了又鹽顛輸飛絮瑤華代折麻北風兼雨灑  
南極凍雲遮封事曾焚草佳晨近 賜茶自應甘曳尾豈更羨高  
牙不遠天心見誰云大有賒

冬至後五日疊用前韻

一陽生地脈六出散天葩已奏書雲慶還將瑞雪誇鉞停四五綫  
莫報兩三了鑪燼平衡炭灰寒六琯葭弄珠梅易蕊擁砌蕙難芽  
丹荔南中挺甘蔗畫裏斜酸風霏玉屑冷月曬銀砂霽照崑山燭  
寒遲溫室花有言聞化鶴無緒噪饑鴉失道迷征馬空江凍釣車  
龍山吟鮑照冰柱詠劉又穆滿歌聞竹曹人衣似麻不如僵臥穩  
况有弊裘遮凜冽還呼酒消融自煮茶玉龍何轉戰越犬或相牙  
屈指愁長日陽春信尙賒

七日

七日愛良辰初陽望浹旬那堪飄白雪何處匿紅輪龍駕遲青帝  
蛟冰伏紫鱗雲封歸雁路霰集蚤鶯春漫摻催花鼓難鋪芳草茵  
柳眠曠里婦梅顛弄珠人鬢似銀幡色花如綵勝真琴書呵凍手  
時序閱吟身幸脫離家苦年年詩思新

梅花喜晴疊前韻



正月重元辰陽和布上旬繁花春萬樹晴昊日重輪皎客彈珠淚  
乖龍曬玉麟南枝偏向暖東面蚤爭春詩興登官閣妝成臥錦茵  
紅英烘火鳳綠萼照仙人笑乃傾衰女肥應薄太真香光雙法眼  
風日一閒身花發年年處新花舊更新

西齋雨後杏始花玉蘭將放同婦小飲聯句

紅杏春陰折辛彝雪色開農朝霞行楚岫仙種自瑤臺婦玉樹周

流翠紅牆十里栽農長安看遠近風景一徘徊婦脂粉齊含淚織

穠並結胎農乍還丹竈轉偏養白人來婦素髮爭千丈朱顏駐幾

回農百年判共醉秉燭苦相催婦夜宴桃鬟侍春遊蝶粉媒尹邢

人莫妒清濁酒杯農

六十述懷一百二十韻

白髮難頻緝青春孰著鞭隙駒過甲子夢蝶憶丁年傲骨生由父  
勞筋降自天高祿弓鞞帶癡叔絲絲牽冀產同根種幾將一綫延  
小郎行制幣邱嫂拆花鈿詎謂先生達還如百足蛇同曾祖子嫁姓近百

衣搜蓋篋乳哺賣輜駟紫鳳顛毛褐蹲鴟當粥餽饑寒原自幼老

病未能痊上學非無惡求蒙頗似顛七齡通論語十歲讀坤乾羊

祜探環樹張飛假面然焚膏猶與杖淨夏也能扇少賤知頭角謀

生苦胼胝書庸糊一口春賃寄三椽僵向牛衣臥行難革屨旋溫

風愁白鳥寒月少青氈昆弟誰衣食妻孥我棄捐見星奔百里中

月憶三遷空負數升米還羞一个錢螢乾資誦讀口澤忍枯菴自

分溝渠死那期性命全經從牛角挂書截劒蒲編弱冠有司試青

衿弟子員雞年魁拾取牛歲榜聯翩同榜族直上萬言策幾爭一

甲先徙官猶董相時相某公奉使逐張騫祿薄空杯酒官貧晚爨煙

典裘琴自好索米炙何羶紆體攜春藻遊神守太玄藥湯違虎節

金革試龍淵袖挾風霜字身游日月躔上堂欣特達班馬脫迤邐

才白

先皇簡名非吏部銓御試選君門無虎豹臣力在鷹鷂諫草朝來

上宮茶夜聽宣晾鷹趨帳殿虎士送金蓮庚子十二月疏彈谷提

茶夜救衛穢史多俚句

天顏喜轉園五人爭項籍百萬笑符堅原語在豸角邪難觸 龍胡

去不還金張方主奧絳灌正持權朱雀螭頭外青驄豹尾前蛾眉

班每押鼠肉獄須平猗氏巡鹽笈神倉運米船雖稱司瑣屑未足

報陶甄風古臨西晉霜寒凜北燕何當鳴仗馬豈可啞寒蟬銅柱

龍時動櫂槍象夜懸感恩酬國士應詔集羣賢為痛孤臣哭靈辭

一命鑄世情圓似柄吾道直如弦謂應天心警良由人事俊舊章

由可率成憲永無愆原語在不下留中久將甘牢戶填蕭生官出外

汲直臥歸田頭及還家黑腸因去國煎每看牛斗近應與鳳城聯

石鑿南山柳松行京兆阡知生多賄賂遺莫具牲怪會葬衣冠白

來觀里巷闐弄孫雙璧合教子一經傳遶膝真宜爾子舍承家尙

勉旃東山人久臥西閣地何偏右帶白雲渡前臨孔廟堦高斯宜

爽塏僻乃遠嚮卷苔徑稀車馬荆扉隱市廛更無塵到席奚用屋

成榜小築尋常度為堂一二筵湖中驅錦石階下響微泉閣前夏

熟栽盧橘春歸買杜鵑雪籬梅老大月榭竹嬋娟美蔭梧從據芳

根桂可搴當階翻芍藥落實翦枸櫞波嘶榴子來安石棠顛貴紫

緜新松高楚楚細草徧芊芊好鳥呼交語游魚樂遡沿鹿行憎舐

觸鶴舞好蹁躑庭養能鳴雁池腴縮項鰻一房山簇簇五尺水濺

濺日涉彌成趣年深劇可憐樹空容蟻穴牆古繞蝸涎郭外還扶

杖溪邊也扣舷蹉跎供偃仰光景共流連陶詠詩千首登臨記數

篇狂來貪夜飲懶起愛朝眠鍛竈馮烏几藜牀坐馬韉伎衣餘匹

布客飯飽三鱸字學貧堪賣書淫富更研數行摹子敬第一品僧

虔屋壁周公禮蟲魚鄭氏箋馬遷名博物莊叟實忘筌漸進波瀾

老休爭字句駢取心來汨汨笥腹頗便便一任稱功罪何由得貫

穿學如歸大海源始祭名川吾土旋無樂生民益以賸魚門城半

浸 鳳詔賦空蠲吳地占星得南天殺氣纏紛紛騎白馬跼跼墜

飛鳶旁午加箕斂清寧擴幅幘橫頭馳入洛王印小來滇牛馬休

歸牧干戈罷拓邊太平嬉鼓腹耕鑿老華顛寡欲真成佛忘機便

學仙金堂難換骨玉版漫安禪花下誰微笑雲中浪拍肩未能同  
 妙善何以解真詮且弗參伽葉無庸問偃佺竹林游阮籍實貫舜民二姪  
 羹雉饗彭鏐友人錢眼暗其衰矣心丹忽勃焉觚稜驚夢寐衣  
 職補淵蛸往事東流水餘生百鍊鉛君親思翌翌忠孝淚漣漣  
 祿位能人動文章孰我妍腐應同草木病未錮拘攣貪桂羸須補  
 看花脰已惰敬危遲數武戍削聳雙顴掩卷心多忘拋書體覺孱  
 老來才欲盡漫興字踰干

癸亥除夕守歲示家人十二韻

六身周又過子癸乙夜歲猶殘馬齒加何速龍鍾老不難人知散  
 木壽螢聚讀書乾歸只憑烏几衰因挂豸冠炭分官府餽曆乞氣  
 比鄰看老至身防賤年高影怕單玉顏貧莫損霜鬢強為歡酒煮  
 屠蘇暖春融燎火寒頰花輪鄭婢爆竹換宜官春帖不夜然雙炬  
 長春薦五盤明朝梅樹下一曲木牀彈歌舞誰家散同心羨竹竿  
 左足蹇

擯鼻裝無繭狐裘補少皮足寒頗痺左形惡兀殘奇難陟西階  
 上單憑右趾移槃跚堪笑汲踣踣自憐夔藜杖難扶老籃輿或使  
 兒未能迎跛者誰為悅支離真訝由天獨距云似土遺比行須入  
 獸自衛也慙葵禡榻趺結匡牀膝坐危半嫌晷性短轉羨鶴行  
 遲

孔母陶太老夫人壽讌

劉菊型湛母繡紱稟顏姑釋菜方成婦衿纓早相夫素王麟有趾  
 玄聖鯉頻趨九代傳龍種來孫衍鳳雛榮封宜畫翟儉德卻秦珠  
 卜吉親綵繭朝回訝辟纊含飴盜羨馬返哺得如烏中饋無攸遂  
 高門戒陝輸古稀過泰岱上壽擬唐虞屋壁調琴瑟春秋笑蟪蛄  
 麻姑搔鳥爪王母擘麟脯本自神仙籍歡騰家慶圖始終知廣莫  
 清淺見蓬壺豈有登牀識何須抱器俱弦歌聞解甲巾幗自援枹  
 惡木原無刺翔禽不敢爭講堂猶象設魯殿尚金鋪賢母知興廢  
 真人逐奮呼太牢親漢祀白馬冠殷尋先聖求封國褒成紹故都

五星精復聚七曜位非無已錫三傳命將分百世符祥光纏寶婺  
分野直降婁栗里娛人醉開官學母劬齒生更啖蔗髮白爲甘茶  
不老義文檜長生直海桴女貞柯日茂靈壽杖時扶歌頌傳東魯  
文章繼大吳

七言排律

魯將軍談邊事

明季奉使  
朝還遺戍河內

蓬萊清淺不揚波草昧風雲縞紵多奉使丁年持漢節送徒辛苦  
負霜戈帷中偏省黃公法亭下那遭醉尉呵未許乘船饒子敬猶  
能上馬試廉頗世人甲子遲碁局夜月庚申影薜蘿河隴至今聞  
款塞將軍一箭定長歌

舊鎮  
西邊

梅花映水春雨製幔示婦

春風春雨半春暉冷蕊寒香漸欲飛九錫先加重頂幄行雲怕溼  
五銖衣屋梁慙得窺朝日甲帳何須泣露晞瘦影繁鐙羞脈脈淡  
妝鏡檻碧依依曲江此際排銀榜衛國當年卷錦幃上有承塵違

燥溼密如步幃護芳菲瓊人綃帳堪爲伴仙子冰肌自不肥臨下  
窺窗來玉女中流張蓋望江妃嬌藏金屋蒙恩寵夢覺遽廬有是  
非醉臥不妨花點額依稀雪夜謝娘歸

十四夜鐙

三五來朝望月華今宵噫氣片雲遮人閒處處張鐙宴天上茫茫  
貫月槎北里十金燒院院南鄰一盞亮家家九微珠樹高三尺四  
照金支吐百花絲燎玻瓈然苾草薪傳蠟燭列金麻煙噴師子將  
焚豕眼射鯨魚匪目蝦寸馬豆人還翦紙鏤金繪畫總籠紗倡爲  
木禺招宮女盤用銅塗轉辟邪傀儡絲牽煮跳擲桔槔機轉影交  
加燭龍鱗甲龍膏熾火鳳缸繁鳳腦斜宋帝鼇山勞苦矣漢皇金  
翠是非耶摩肩錯趾遺簪履吹角撻金競鼓笳狂走村童挈貧女  
明翻乾鵠帟棲鴉京城燎火金吾騎燕市香塵油壁車煙霧戲中  
看舍利金光見處鬪蝦蟆祠沿太乙昏還晝夢到華胥醒自嗟鐙  
下老翁時醉舞鐙前兒女共喧譁掩鐙障霧屏風密雲過月來樽

酒賒玉燭光明能普照全生不遣到長沙  
橋成泉上  
跨泉爲亂小橋成次第看花兩岸明畫柱臥波鸚鵡綠朱闌鑿石  
宛虹平傍巖曲折隨巖轉架壑幽深絕壑橫駟馬非關詞客過牽  
牛卻許美人行魚跳似駭青龍影雁齒時聞白鶴聲方丈迴攀飛  
閣檻一條中表半池萃雲膚渡水郵經宿人跡憑虛影一泓澗道  
泠泠承跬步窗峰轟轟任高擎隔溪人遠時相問接引仙源逗世  
情

微泉閣詩集卷十二

微泉閣詩集卷十三

五言絕句

春夜坐至公堂賦呈王尙書

明月流蟾影春風動馬蹏苦辛當日事猶記此堂西

青柯坪

松色下無土石色上有天俯身盡萬壑仰面猶飛泉

題田學士畫障子

屏障看山色山山列翠屏莫釐時入夢七十二峰青

玉蘭和韻

春色藍田種春工九畹分月中如有姊相對白紛紛

七言絕句一

庚子奉命監試口號

驄馬監門命小臣鹿鳴上國選嘉賓至公非復冬烘舊天府書升  
定得人

其二  
春蠶秋點過來人此地當年憶苦辛未入戰場迷五色聊從壁上望征塵

其三

赤棒鳴騶引繡衣別須移試假霜威宮花插帽霑天酒不用貂璫  
到棘闈朱以宦官易御史為巡捕

泛舟光福西滄觀梅

城西山水此山奇水淺山深兩得宜茅屋傍山臨水住將家歸老五湖時

其二

一斗鴟彝五兩船一圍卵色五湖天影搖山水杯中綠橫笛催花落暮煙

其三

山裏梅花水裏看春山春水破春寒尋春較晚餘花影賸有高人

興未闌

袁同年納許姬

神仙界裏苦多情不住芙蓉天上城王母自教青鳥送人閒捧下

許飛瓊阿母卞玉京今入道

其二

十斛名珠南海池袁官東粵休論錢貫買蛾眉守宮染透桃花骨不是

袁絲愛侍兒

其三

歌罷霓裳舞罷裙空箱疊在幾曾熏道家妝束娘閒卻為著登車溼楚雲

其四

妝束休梳時世頭連娟何事無眉羞柳家郎好偏無賴愛促新人問舊愁

南旺謁朱尙書祠用邱瓊山韻

遠疏汶濟引漕渠俎豆司空魯殿餘三百年來通貢道河渠猶記  
史臣書

聽歌

湘裙半臂領春風學埽蛾眉翠黛濃暗蹋宮鞋因記曲鳳頭尖處  
點么紅

贈李都督

安邊甥舅已銷氛牧馬陰山任拂雲日日椎牛閒射虎將門三世  
李將軍

其二

銀壺灑酪發茶香金椀盛來揖客嘗櫺上昂昂紅叱撥帳中對對  
紫鴛鴦

清化鎮口號

盜移怪竹上林邊萬个琅玕千畝田自是黃農知藥性也供美箭  
汗青煙

其地歲貢竹

其二

苦惡難令賣買平 朝廷冶鑄不相爭鐵官卻怪南陽賈吏祿偏  
饒給水衡

市多鐵冶

登銅雀臺

銅雀荒臺成古邱望陵歌舞問東流二喬若與春深鎖更惹分香  
一段愁

和吳祭酒梅村韻送王玄照

烏衣馬糞地名傳錦石名花說輞川天上文人原慧業穿池築島  
擬神仙

其二

秦川公子客諸侯到處依人故倦遊吾土登樓時極目只今地主  
少荊州

自京師歸客遊齊魯

其三

梅花萬里百蠻開汝舊爲廉更隔雷嶺表至今留滯客逢人還道

使君來

王以任子歷官廉州太守時同游陳翁廣東人

其四

爾畫於今已值錢濟南山水足雲煙子昂粉本無人識此地重來

五百年

時遇我濟南是趙孟頫宦遊地

其五

故國重來客薊門宣和遺跡一無存白頭只索丹青引文采風流

舊子孫

王來訪法書名畫一無所遇

其六

休論董巨與荆關入室元從筆墨閒若問前身自何處維摩還榻

雪中山

其七

難尋畫苑舊中書肯向侯門浪曳裙自寫自家行樂處三江口釣

四腮魚

其八

鶴翎衣翳故徵君樗散誰憐老廣文隆福寺西春水上白衣蒼狗儘看雲

寄流人季同年

恐勞花鳥使南邦遷客聞過鴨綠江莫歎全家投絕域人閒夫婦幾成雙

西湖暮歸題酒家屋壁

鏡裏看山天下無翹塵秋水綠平鋪六橋行盡斜陽在半在山頭半在湖

楚峰悼亡

楚峰娟妙楚江清楚女由來舊有名況得中郎書籍在非關名士悅傾城

其二

明聖湖頭阿母逢西飛燕子伯勞東長干見後論年命夫位琵琶道吉凶



其三

仙樹由來仙果遲尋春未晚正佳期桃花半落桃根在桃葉成陰  
結子時

其四

兜率天爲我舊廬芙蓉城是子新居桃花樓下梳頭罷閒搗黃庭  
寫道書

舟泊婁江寄內

秋江瑟瑟泛蘆花第一程頭宿水涯我到燕臺南望處海雲東指  
是君家

沂州守將臧送惠泉酒一甕輿中口號三絕句賦謝

百馬風塵滿眼酤乳泉釀黍自東吳美人歌舞帳中有使者分張  
驛外無

其二

渾炙黃羊斟叵羅分明軍令舉杯多如何也識揚雄嗜滿甕提攜

一醉歌

其三

遊子流涎腸正枯將軍走置錦屠蘇非關蘆酒排金盃難得蘭陵  
提玉壺

重過歷下弔李易安

詞女芝芙先入夢王孫茗盃昔同嘗佳人只合身先死贏得餘情  
泥悼亡

題畫

夢想林泉未得還來青長在馬塵閒從君七尺吳綾上臥看江南  
雨後山

綠萼梅

臙脂何必比紅兒淡粉還羞虢國姨昨夜東風何太惡綠珠身子  
墮樓時

玉蝶梅

樹樹狂蜂粉態新  
羣羣鳳子弄輕春  
花鬚蝶翅玲瓏碾  
總與韓憑作後身

代書

琉璃硯匣帶胭脂  
東郭翫毫寫豔詩  
贈我辟寒金約指  
曾無一字道相思

其二

管氏丹青蔡女篇  
淋漓寫向浣花箋  
買成狗監黃金賦  
贖取蛾眉碧玉年

過喬較書舊居

驚燕垂垂映錦茵  
二喬門巷久凝塵  
枇杷花發來時路  
十二蓬山滄海深

夜遲妓

鳳脰澄清春漏稀  
合歡牀冷暗蟲飛  
仙衣怕爲衝寒溼  
夜半渾身帶雨歸

優譚詩

春半初逢譚伯卿  
閒身高寄闔閭城  
太平法曲何人唱  
管領清商一部成

春園

空庭芳草似芳村  
高院梅花早閉門  
一卷道書都讀盡  
春風春雨又黃昏

題初祖像

鬢頭赤腳舊袈裟  
白馬青絲卻泛槎  
若問西來是何意  
一江秋水照蘆花

屑髭

綠雲翦取送青絲  
減與檀郎屑髭時  
低簪梳頭長寸寸  
遮藏小玉自支持

京邸題憚香山畫

誰作江南一尺山  
長松落落水潺潺  
吾鄉畫手推前輩  
坐我梁溪

山水閒

李侍御夫人挽詩

尚憶

先皇容直臣殿前折檻識埋輪龍鱗不逆知天意肯泣牛衣近婦人

其二

攀龍天上墜孤臣更奈空閨月半輪死葬咸陽原上地當時為我賽烏人侍御下獄夫人在家料其必蒙寬典

其三

良夫生已得名臣東去輿魂駕隻輪老死沈檀香更遠刻成小像李夫人

元日書感

今朝吹面裏東風雙倚無人臉斷紅從此百年愁裏過非關別柳囁嚅翁

十四夜對月

團團蟾影落人閒自為多愁早閉關記得春宵同悵望擬當秋月看秋山

八月十五虎邱坐月

峰頭秋樹隱華燈歌扇秋雲落幾層山月不知遊子恨照人行處記吾曾

其二

金波玉臂冷嬋娟卻顧吳歛誤拂絃曾坐池邊問遺事何須深葬劍三千

其三

真娘墓畔花如睡紫玉墳邊煙正橫曾上山前山後望滿身明月倩扶行

其四

月小山高人影稀無聲白露溼羅衣曾邀郎袖遮寒背散盡笙歌

不肯歸

其五

歌管三更月欲低  
千人已散醉如泥  
曾攜纖手遲遲步  
險韻中秋  
虎阜題

其六

吳山今夕擬飛觴  
燕市頻驚木葉黃  
美景良辰消不得  
苦吟詩鬼  
月茫茫

其七

一條塔影月中直  
四面秋聲樹杪來  
好景同游曾計日  
那知留恨  
此山隈

其八

別君泉下已經秋  
自斷孤身到白頭  
從此江山風月夜  
便成哀輓  
便成愁  
乙未除夕

一首一杯對影酒  
一杯一首斷腸詩  
去年示我椒花頌  
遙度今年  
守歲時

其二

三年除夕有殘詩  
忘卻無衣無食時  
剛免飢寒消不得  
俸錢今夕  
哭微之

其三

白頭常自誓幽窗  
錦水鴛鴦到底雙  
只合人閒二十四  
蕭娘轉燭  
向銀缸

其四

荼齋嚮麥舊衣裳  
三四年頭苦節量  
爲婦君家無浪費  
九泉應好  
事姑嫜

其五

每多情護早梅星  
星小膽怯輕雷  
莫教爆竹驚泉下  
可有春風  
到夜臺

其六  
結子空貪花折枝去年殘臘正花時十洲仙樹原無種不是春工  
不護持

其七  
空澆酒脯祭君詩鐙影幢幢半醉時指望香魂能入夢莫開嗔眼  
苦相思

其八  
何處嬌魂不可招知君俟我向山椒去年竹葉杯乾後晨起嚴妝  
拜歲朝

其九  
人間豈復有卿卿地下於今無董生兩處離魂雙不得獨支殘夜  
向天明

其十  
春生獨旦芙蓉枕寒盡誰同竹葉杯歲歲客中過也得入門相伴

阿誰來

其十一

禦窮何以報君情身後相酬附我名自惜殘生開萬卷詩人妻子  
是鶯鶯

其十二

明朝霜鬢又蹉跎漸老逢春冉冉過借問閒情多少在校人已少  
校僧多

其十三

半生甲子短於前令節思君倍惘然今夜傷心起頭夜自判此病  
了殘年

其十四

半年純是哭君時誰道吞聲不復悲記得戲言身後意要人千首  
悼亡詩

曉發崑山

城裏山來南國少城中人去世閒無空看海日孤峰上猶是鴉黃  
曉鏡圖

過崑山有感

天涯每遇同行處無故江山百感多生長佳人城下路那堪獨自  
又經過

其二

玲瓏羣玉山頭石滑膩新洋江口波生出閨中人獨秀父書千卷  
記來多

其三

半江水碧半山青山水無情惱有情最怕崑山山下過山青水碧  
喚愁生

其四

負弩臨邛願竟違單魂逐我夜空歸他生化作鴛鴦鳥雙向三江  
江口飛

其五

數里湖光懸玉鏡半城山色掃蛾眉緩舟恬目真堪賞自爲傷心  
怕過遲

元日早雪追和亡婦韻

高臥休開白板扉通明殿上晃朝衣十年前共春燈坐柳絮吟成  
玉一圍

晚晴復作二首

天街夜色月如霜銀燭千條火萬行寶馬香車燕市上青藜寂寞  
讀書牀

其二

今夜閨中月獨看江南好景憶長安嬌兒火底偏憐母三十離家  
滯一官

送同年錢侍御重題一絕句

仙山玉室與金堂片片桃花賺阮郎冰泮詩成還似舅好將絃索

古文章

京邸盆梅口號

一本梅花直一金相看吳客亂鄉心江南臘破連正月萬樹垂垂春正深

其二

賣花只合向朱門流落貧家老瓦盆冷蕊烘開多蘊火還憑人力託孤根

其三

貧窶當年曾共甘逢春歲歲望江南豪家密室繁花發折取歸添雙鳳簪悼亡婦

其四

鄧尉溪山夢裏行落花殘雪半分明何當山下誅茅住十里香風樹樹生

壽李侍御太夫人

二月春風春酒香還將高節祝高堂萱花背樹能凌雪仙李盤根卻帶霜

王侍御太翁崇祀鄉賢

夏州孤島偃鯨波碧海三山恣笑歌色乘書成磨盾草儒衣食報繡衣多萊州人修郡志進禦倭策

其二

傳經書帶號康成俎豆東萊復得名齊魯諸儒多質行河汾廊廡配先生

卽席有贈用王龍標韻同龔侍郎吳兵部

十里春風是妾家吳王苑裏鬪名花明珠幾斛尋常事容易還封繫臂紗

崑山徐狀元太翁太夫人雙壽

蓬萊集慶老人星東海還能效百靈先甲一枝攀玉樹春潮有信

過彝亭

里語云潮到彝亭出狀元

其二

南州族望推江左金粟門闌近上台百歲筵前三鳳舞黑頭宰相

下朝來

太夫人顧氏文康公之後長公舉于鄉次公入上舍狀元其季也

餅中牡丹悼亡

揮杯孤影夜何長獨對名花欲斷腸羣玉山頭傾國貌一枝經雨

泣殘陽

宮詞八首

長白峰頭開異花真人天際采天葩新洲靈草留王者自有仙根

發國華

其二

魚服英雄試問津北關西子近東鄰屏虛孔雀真龍出奇策何勞

費美人

其三

夜歸羽獵自昌平魚鑰猶聞啟二更獻賦甘泉多侍從上東門守

不知名

其四

莫怨長門春到遲春風元有蚤來時防閑也託司花女不許春偷

連理枝

其五

十五吳姬自道儂君王隱語笑芙蓉無私雨露生蓮子昨夜宮中

獨夢龍

其六

黃老閒緡半卷餘親來御案檢文書韓彭壯士如歸命三宥還應

託後車

其七

內道場中不學仙芙蓉城外更生天高僧膜拜珊珊至注視行人

獨百錢

其八



才於帳殿進彈文旋召詞臣論夜分一自宮車無復駕  
瞭鷹臺畔

鎖愁雲

庚子十二月廿二夜 宣臣至海子行在進所糾谷應泰  
私史 召尚書王某示之越四日

口號

上入辛丑正月  
八日晏駕

馬怠車煩數驛亭息當落日起侵星暮蟬聒破勞勞夢何似柴門  
倚杖聽

微泉閣詩集卷十三

微泉閣詩集卷十四

七言絕句二

清苑雜詩

門前弔客是青蠅門內高臺成未登十二金釵分散盡有誰歌舞  
望西陵

其二

連苑高樓半有無白楊中柱向黃墟文君自是多情者時託金徽  
憶故夫

其三

兩過此縣遇雨

郎山山下已無郎漲膩殘脂滿柳塘虛減宮廚餉神女暮天雲雨  
滯襄王

其四

雞距泉南香徑斜蕩舟習水采荷花自從嫁與吳兒後逆浪輕橈  
過若耶

報王撫軍懷舊口號

故人相見喜銜杯十載樽前首重迴笑問室家無恙否紅顏絕世已成灰

過壽陽和昌黎韻

幽州今日是長安未似并州已早寒秋半河中更西望秦時明月扇俱團

其二

無事清時已治安何勞漢使帶霜寒徵求符牒紛堆案孤負黃花玉露團

其三

客寢當年笑甚安重來車馬漫憐寒昔年奉使榆中曾過此縣水晶盤裏恩波遠願與天家點鳳團

其四

一騎王程敢即安來當殘暑到輕寒丹砂句漏供多病上黨人

夢有紫團

埋馬

駱馬敝帷埋凍雪楊枝病葉落寒風疲驢狹路參荆棘愁殺詩人風雪中

借馬

駿骨千金實可憐蒲梢暫借信吟鞭五湖家在歸休去山路籃輿水埠船

驪山溫泉

漫道秦關百二封可憐歌舞有千峰由來禍水能傾國不獨驪山一舉烽

其二

山上千門山下池錦襴何處洗奚兒野人分得溫泉水茶甲紅於蜀荔枝

其三

漲膩殘脂國便亡新臺河水自湯湯蓬山只憶長生殿別有金釵  
寄壽王

其四

祝雞無復鬪雞場繫馬還疑舞馬牀繡嶺宮花渾寂寞滿山松柏  
自初唐

其五

仙李蟠根卜曆長東來紫氣竟茫茫青牛像供朝元閣白鳳膏流

碧石湯

山巖朝元閣中尚存  
元皇帝玉石像

望普救寺口號

戲寄家人

元人樂府寫離情普救原非唐寺名我渡黃河增客思蒲東秋色

暮雲平

其二

烏龍青鳥夢中聞夢覺巫山別岫雲取次花叢浪迴顧要盟有恨  
負雙文

贈張萬青

撰載花船樂府

姊妹花殘怨落紅芳魂薄葬五更風迴橈卻向湘江過蘭蕙春深

自一叢

其二

鶯鶯燕燕老春空公子詩人惜落紅唱徹錦帆新樂府斷腸春色

怨東風

其三

飄泊歸田深閉關休令少婦損紅顏夜郎草罷相如檄

歸自洪相國幕臥

看芙蓉畫遠山

馬上迴望中條山口號

辭滿期年心自閒中條盡日白雲閒從今定向五湖去看徧五湖

湖上山

夕次壽陽

復次昌黎原韻

中夜山行尙未安征衣漸怯晚風寒及瓜而往瓜時代秋草荒庭

玉露團

過獲鹿郵亭見屏風上余去年書報王撫軍懷舊口號次前韻  
雪夜青州酒一杯分拈險韻錦文迴輸他詠絮先成句笑我寒鑪  
只撥灰

題文衡山雪景

詩思誰云畫裏無白驢便怕影模糊分明鄧尉梅花路試展芭蕉  
舊雪圖

其二 後育周公瑕書雪賦

徵仲丹青遠擅場公瑕書法亦鍾王揮毫有意供高臥漫說吾家

翰墨香錢牧齋詩玄宰天然翰墨香

繆狀元太翁太夫人雙壽

奇毛雛鳳自非常父執曾過君子堂翁弟繆進士子長余同年故識狀元最早桂樹一

枝攀向月椿萱交茂不知霜

其二

蕊珠宮裏詠霓裳獨領羣仙拜玉皇我本玉皇香案吏看君落筆

映奎光今年春二月余監試諸進士太和殿前

其三

天子臨軒卜相才漢庭第一致三台高堂田里來公府朝散公卿  
上壽來

壽熊侍御太夫人

秦雲秦樹望秦關寸草心知遊子顏入饌魚肥思渭水稱觴龍首

對南山熊秦人

和吳默巖韻

首夏清和愛夜分柳風吹水酒微曛欲馮醉眼叫虞舜愁殺蒼梧  
出白雲

和李湘北韻

石室書成下直遲李與修

世廟實錄退食頗晏酒壚繫馬正相宜當年止輦從南苑十載孤臣鬢已絲

和汪荅文韻

齋日從君對白鹽

梁本長齋汪與予亦齋日

臂弓看客捲黃衫

觀公勇召林射

書名自

笑虛稱聖輒向公卿脫帽簷

和程周量韻

程廣東人

嘉樹炎洲三寸柑玉盤承宴露猶含上林春色東風力雪片梅花

說嶺南

和陳說巖韻

波連太液接滄江柳近龍池暗北窗我是江南未歸客從君苦飲

盡銀缸

送安南使臣楊職方

時黎莫方構兵

越俗相攻古有之珠崖銅柱遠無辭能知小國君臣禮漢節賢于

十萬師

題梁次哲江村讀書圖

桃花如錦柳如絲疑是江南春暮天一卷道書常引睡柴門斜對

白鷗眠

其二

梁溪溪水過皋橋水國村村響暮潮便具扁舟尋庶下 帝京迴

首轉遼遼

其三

腹中書籍本便便貝葉經函手自箋翠筍朱櫻居士供魚莊蟹舍

放生錢

梁長齋繡佛

其四

與君相約賦歸與蝦菜湖中江上魚家在江湖如畫裏閒閒茅屋

屋連書

題王阮亭畫冊

戴務旃筆

種竹千竿秋瑟瑟梅花如雪疏還密詩囊畫卷取不禁安道子猷

呼或出

其二

白玉壺噴鈿突泉綠芙蓉秀華不平聲注濟南山水好丹青著我移家就君住

八月初七夜集梁家園李氏莊汎舟觀燈口號

蜃氣樓臺鼇背燈星攢細火出魚脣蓬萊清淺聞仙樂飄渺層城十二層

重題瑠璃河旅店壁

歲歲瑠璃河上忙瑠璃千頃自波光今年又向河梁過照見行人鬢已霜

其二

將雛病婦在蓬窗憐母桃鬟定渡江妻已歸妾未至飄爾晨征西去遠鴛

鴛沙冷不成雙金源時河上多鴛鴦

重經清苑口號悼亡

娟娟神女下高唐肯逐燕姬立北方一片絲雲容易散夢迴長憶楚襄王

其二

輿魂返葬楚宮腰兒女牽衣日夜號爹又投荒娘早失卻教瘦損鳳凰毛起兒生母

其三

仙桃移向謫仙家長對仙人泛紫霞綠葉滿枝多結子罡風吹落碧桃花

其四

西子湖邊濃淡妝相遇湖上莫愁城畔合歡牀定情金陵臨邛不遇知音者空抱金徽寡鳳凰

其五

肯埋青冢向漁陽贖取蛾眉返故鄉宅相幸成羊叔子外家還有蔡中郎

梳頭

叢鬢高鬟出意長新人不似舊時妝雙蛾倩我分明畫斜裏香雲

縷縷香

花檀梳匣二具

謝公小女真雙璧中表依稀似舅甥猶有妝臺嫁時物花檀匣子

遺去聲卿卿

開封懷古

河水終能灌大梁產蛙沈竈浸城隍王尊隄上無人宿歌舞樊樓

弔夕陽

其二

兵符已屬信陵君袖裏金椎四十斤我過東門三歎息東門遙對

信陵墳

其三

梁王賓客有鄒枚雪滿羣山作賦才萬乘旌旗渾寂寞不知何處

問平臺

其四

御筆應為良岳圖名花怪石自東吳徽宗除卻為天子文采風流

絕世無

其五

黃河如帶篤宗盟新唱天人樂府清試上金梁橋上望鴛鴦殿瓦

墜空城故藩周憲王工樂府

靈壁虞姬墓

山中錦石稱靈壁山下名花號美人要信此花身是妾移根不作

漢宮春

其二

帳中起舞楚人多氣盡虞兮可奈何兒女英雄終古恨虞姬歌罷

戚姬歌

其三

英雄成敗自由天鬼妾登牀鬼馬牽莫似美人輸織室寧將駿馬

賜機船

其四

潰圍南走挾紅妝女子軍中氣不揚捲土重來埋石鏡馬前宛轉別君王

讀古月軒詩

筆牀硯匣自隨身長把詩書度一春莫對玉臺嗟妾命定留金屋貯佳人

其二

詠絮何須過謝庭相逢未嫁惜娉婷私將跳脫看年命盛服休開孔雀屏

其三

傾城名士自相求兩種憐才一種愁不是昭陽雙姊妹只將富貴擅風流

其四

百花洲畔是兒家春草年年吐碧芽安得韓重逢紫玉變成吳苑

合歡花

其五

青山綠水赴吳門半似明君生長村每讀漢書還掩卷琵琶環珮暗銷魂

其六

黃金不用半行書買笑能輕十斛珠爭似雙鴻排錦字鴛鴦七十謝羅敷

其七

幾夜蛾眉爭曲曲幾年鸞鏡比團團姮娥縱許分靈藥十二瓊樓可忍寒

坐古月軒玩月詩  
應與姮娥為姊妹

其八

來時冉冉未能前卻出新詩數百篇自此朗吟如會面驚人佳句盡流傳

其九



深慚才盡字敲斜容易將詩獻大家白雪和成題荳蔻細拈彤管  
寫簪花

其十

越女如今不勝吳西施網得住姑蘇功成萬里歸來日已具扁舟  
向五湖

和龔閨媛詩十章

翦燭西窗夜話時猶憐鬢影未成絲忍看彩鳳雙飛翼且學鷓鴣  
寄一枝

其二

歸尋蝦菜五湖舟共泛家人汗漫遊我羨東南雙孔雀時余方君  
悼亡居西北有高樓

其三

汲得山泉自點茶朝來換米寫梅花三間老屋牽蘿補當戶無人  
長昔耶

其四

秋水吳綾染麴塵蓮衣欲落粉初勻含情再著雙雙鳥榻得鴛鴦  
轉惱人

其五

焦桐蚤辨絕絃琴玉樹歌殘亡國音蹈海氣隨淮水壯水深不比  
淚痕深尊人赴秦  
淮殉國

其六

藕絲裙襯素羅襦翠羽猶簪賣剩珠只欲洗妝長入道纖纖合掌  
禮文殊

其七

年年脂粉不曾施筆筆簪花薄命詞千首詩中家國恨梅村學士  
最能知吳梅村  
序其詩

其八

明月徘徊賦七哀車輪腸轉一千迴當時悔憶人閒樂遣識人閒

苦趣來

其九

嫁衣裳只爲人裁促迫丹青滿玉臺門戶自持勤十指時聞鄰女看花回

其十

春雨春風尙薄寒梁鴻溪上瀉哀湍幾迴欲泛溪邊棹怕說溪名不忍看

暮雨攜婦過虎邱

闔閩城外闔閩墳貝塔涵流倚暮雲空翠撲人縈白道莫教行雨溼湘裙

其二

同遊人化紫煙輕憶亡婦再得人從暮雨行共向講臺攜手坐三生石上訂他生

小飲玉蘭花前限三爵詩成

此花何處認前身羣玉山頭憶故人憶亡婦瓊樹還將春色至主人斑鬢已如銀

雨中桃花海棠

一舸鴟夷沈鐵網千年青冢怨琵琶燕脂滿地休輕掃留與詩人弔落花

其二

雨檻風檐夜起來深紅半雜淺紅堆千年結實瑤池會枉殺花鈿過馬鬼

其三

遊絲難續夢中身紫葍猶殘未了春薄命莫嫌生太晚稍頭蓓蕾遲紅輪

攀桃檐下避雨

露井桃花傍綺寮南枝低亞北枝喬北枝雨立嗁紅淚入戶南枝貯阿嬌

送吳三十五之閩中訪親

翩翩寶劍唱驪歌  
縹緲班荆意若何  
爭識延陵吳季子  
閩中愁聽嶺猿多

其二

庭幃何處海雲邊  
越鳥南飛路幾千  
辛苦不辭遊子意  
江魚翠筍盡迎船

其三

提攜畫本與詩囊  
賸水殘山弔越王  
今日鬱孤臺上望  
千金誰贈橐中裝

和唐六如題畫

采來紫角玉心菱  
舉起纓囊九斝曾  
前輩自題行樂處  
如今畫手見何曾

其二

錦鋪池底漸多菱  
鳥萃蘋中木上曾  
澤畔行吟思往日  
美人親信

記吾曾

其三

濯錦江邊少綠菱  
終南山下有蛟曾  
秦蜀有警具區澤國深雲水  
蹋徧人間得未曾

白海棠一樹

瑤臺仙種洗鉛華  
丹的雖施未破瓜  
夜月浸來雲一片  
白人何事折梨花

齋中積雪同婦得花字三絕句

壓斜翠竹蕭蕭葉  
凍合黃梅樹樹花  
此夕更無遷謫意  
陽春一曲譜琵琶

其二

卽看春到花如雪  
豫報春前雪作花  
忽訝夜寒言皓鶴  
三千年事紀仙家

其三

瘦石自肥爭玉樹青松不改傲梅花關河凍沒鞍韉錦失道應迷  
白鼻騮

悼亡

結子名花壓折枝露翻雨打舊離披香泥卻月栽難活不是東風  
不護持

其二

露井桃低入戶枝花光人面照金卮桃花今日高於屋紅粉成灰  
花落時時戊午三月下旬

題畫梅壽祖使君

吳苑梅花花似雪范陽雪片片如梅范陽家世吳游宦折取梅花  
釀壽杯

贈江陰劉都督

天山三箭便班師江上君山又勒碑果下馬騰經百戰飛龍殿裏  
賜教騎歷官滇秦御賜馬鞍

其二

將門世世將星芒三十登壇豈挽強露布草成磨盾鼻將軍武庫  
起青霜好文好

放船光福挈家人喫楊梅口號寄楊編修十四首

果熟君家五月天老翁口角便流涎青山千畝朱殷實信宿蒲颿  
五兩船

其二

八口舟中翁領孫浮家湖上徧山村惠山南去陽山外鄧尉山頭  
雲欲昏

其三

雲陰解駁日光穿篷底攤書自扣舷更喜月明涵萬樹莫教雨浥  
爛紅泉

其四

南山炎德火星攢仙果還如藥一丸蟾影夜光明水浸丁妃剋合

紫金丹

月照則果熟紫黑色陳用之  
云丁壬合而成紫間色相剋

其五

白定磁甌白玉盤甜多不怕齒牙酸霜髭半染殷紅色老將沙場  
戰血乾

其六

僧舍山家老瓦盆樹頭樹底渾輪吞兒童生摘藏衫袖白苧難湔  
月事痕

其七

雪色吳鹽酒半寒嚼來口血歆珠盤不愁內熱宜關鬲十日先生  
恣飽餐

其八

只論紫黑不論紅淨揀封泥并蛙蟲孫子節量三十顆分張僕婢  
滿筠籠

其九

一石千文販滿船梁溪吳市幾分錢只因經宿堆紅爛不上蘭陵  
美酒筵

其十

酒浸糖熬直到燕上方玉食鬪新鮮荔枝如蜜葡萄酒百馬牽牛  
漫上天

其十一

朱果封泥雨打稀壯夫上樹樹頭肥山精欲奪生搥殺一手提筐  
帶血歸

徐云吉壯士也冒雨入  
山采楊梅滿筐見遺

其十二

山果山家供雨窗鱸魚土產似松江人生眠食休懷核記取加餐  
五十雙

其十三

潭東沙麓脆而堅陸隴銅阬兒子拳肌理輒和憑漫喫山山種業  
代耕田

其十四

從人摘打腹便便仰面高枝開口眠瓜李近來三六日老夫要喫

必投錢諺云十八日變面不似昔年從人打摘矣余每投一錢喫一顆

壽楊元凱大將軍

明月弓彎天子笑御前較射梨花槍吐萬人呼樓船更佩通侯印矍鑠

猶堪入畫圖

題趙文淑畫

每過寒山弔趙墳野花如靨草如裙君家閨閣多名手花草還能

繼墨君管機畫竹

四皓圖

秦時芝紫漢時糧九十鬚眉照雪霜出為龍樓成羽翼不知歌舞

憶君王

觀起兒齋中菊花口號

由來種菊白兼黃青女應嫌淺淡妝李杜諸詩多見紫簇成老眼

惹顛狂見李商隱杜荀鶴諸人詩

其二

眾中各見叢叢色靜裏還聞細細香要與詩人爭傲骨不知天地

有風霜

東風

東風拂面又驚梅試問風從何處來不自西南不自北為君零落

為君開

二月廿日大雷雨桃上口號

五更天鼓響逢逢充耳衰翁睡正濃輾過南山寒虎豹掀翻震澤

起魚龍

其二是日余生辰

雨添泉脈入池塘有酒如泉舉壽觴鑿落酒泉無斷續傾銀注玉

響糟牀

附絕筆

生逢堯舜諫書稀  
投笏歸來蚤息機  
六十三年窮達夢  
回頭歸去白雲飛

微泉閣詩集卷十四

